

# I KOONGELEZYA KWA UMWI



Nda lumba, Mukwesu Neville. I Mwami akulongezye.

Kwasiya kabotu, mweenzuma. Ncibotu maningi kuba ku busena kuno alimwi sunu masiku, ku cikombelo, ku kanana makani aa Mwami a Mufutuli wesu, Oyo toonse ngo tuli mu lumvwano, Ndili masimpe. Na, nokwatali kunga tuli kkede awa mu buyake bupya, kusyankana mu nzila njo tukkede sunu masiku, ikuti notwa tali ku Mu yanda. Nkaambo, obo mbo bukanze bwesu bwakuba kuno, nku tondezya kuli Nguwe kuti tula Mu yanda. Alimwi kulangila kwesu kupati kula—kula busigwa kapati cindi twa yeeya ciindi ca kuboola Kwakwe, mbuli mbo tubona kulibonya kwa zitondezyo, kwa Sikuboola Wakwe mulemu, tu langila oora eelyo pati, nkabela no tuyo Mu bona.

<sup>2</sup> Kuzwa ni Nda kali kuno Munsondo imwi, imvwiki, kwakali banji bakatusiya kuyo Mu swaana. Umwi wakali Muka. Ford, Muka. Levi Ford. Waa kali myaka iili makumi aali lusele yakukomena, mwanakazi mubotu. Mulumi wakwe wakafwa, ciindi cimwi cakainda. Ngu siluzibo maningi wa Nkondo ya Spanish-America. Elyo mu kaano ka buumi bwangu Nda kaamba zina lya mwana wakwe mulombe. Ngo umwi wa keelede ku ndikulukwida unifoomu eyo, nywebo mulizi, nakamana kwiizakazya. Kuti, i—i unifoomu ya...Nda syoma yakali unifoomu ya silumamba uutwela mulombwana. Elyo wa... Cindi ni Nda kajana cibeela ca njiyo, kwa kasyeende buyo kuulu komwe kwa buluke.

<sup>3</sup> Elyo Lloyd antela uli kuno, sunu masiku, mulombwana nguonya. Elyo Nda keendelezya dilwe lya banyina, buzuba bumwi. Elyo wa kandilomba, kati, “Billy, Ndi lombozya kuti inga waamba aa cintu cimwi eco citondezya kuti baama bangu bayo buka alimwi.” Elyo Mwami waka ndipa mulumbe wa ncico, aa luleme, masimpe. Cindi, Bbaibbele, bulenge boonse, zintu zyoonse ezyo Leza nzya kalenga, zilaamba kuti uyo buka alimwi. Oyo—oyo uyo Ci sampaula mpawo? Mwabona? Leza wa kaamba boobo, laci tondezya kwiinda ku bulenge Bwakwe! . . . ? . . . Laci tondezya kwiinda ku Ijwi Lyakwe, laci tondezya kwiinda ku buumi bwakwe, zintu zyoonse zimbi, ule elede kuyo buka. Ku—ku nyina nzila, taakwe cintu . . . Majulu a nyika inga akakilwa, pele eco taci kakakilwi. Ule elde kubuka alimwi.

<sup>4</sup> Mpawo, i buzuba bwa zona, mweendelezi oyo wakali kuba a ndime, Ba. Baxter, bunji bwanu mula muyeeya. Wa kambaula ncobeni kuzwa ku cibumbili eci. Mukaintu wakwe wakafwa, ndyoonya buyo, nkambo kakulwanwa kwa moyo ikwa cibukilambuta. Eyo uli nyongene loko a kuusa loko. Nda syoma

muyo mwiibaluka Mukwesu Baxter mu mipailo yanu, mbuli mbo mukomba, nkambo ngu umwi wa bakwesu besu. Elyo uukkala mu Vancouver, British Columbia. Elyo takali a ndime, eno, kwa myaka minji. Elyo Nda kamvwa kuti mukaintu wakwe waka jisi musyobo wa bulwazi bwa mizeezo, na cintu cimwi, elyo mpawo, ndyoonya buyo, waa kaba a kulwanwa kwa moyo ikwa cibukilambuta, nkabela wakafwa. Ta tukonzyi buyo kwaamba eco ciindi no ciya kwiita. Elyo mpawo cindi Walo—Walo aita, teweede kuba balibambide. Aako nke kaambo nco tuli kuno, sunu masiku.

<sup>5</sup> Nda kali mu kubala kuya, mu ofesi, mubwini, nkeambaula kuli Ba. Moore. Wa ka ndoongelezya kuzwa kuli eco. Nda kali kusola kutantamuka ku Kulumba. Nda kali kuyanda kuba a muswaangano kuno ku Buzuba bwa Kulumba, mpawo kuzumanana kuya ku Shreveport. Mubwini, inga ni Nda takasola ku cikonzya. Elyo kumalekelo wa kati, “Ee, ikuti na uujisi miswaangano yotatwe eno, alimwi uyanda kuya kuba a Zinatizyo zili Ciloba, kwamana, nkokuti inga watupa obo buzuba bomwe, kwalo.” Aboobo kumalekelo. . . Twa keelede kumupa Bwasanu obo, Mujibelo, a Munsondo. Elyo eno Nda kamusyomezya, mpawo, Bwane, Bwasanu, Mujibelo, a Munsondo. Elyo ku yooba, ku Pentekoste, iyooba myaka iili makumi osanwe yakainda, mu Louisiana, Buzuba bwa Kulumba. Wa kawa myaka iili makumi osanwe, Louisiana.

<sup>6</sup> Lino, juunza kuseeni, tuyo baanga twa syanikizya cakuti bantu boonse abo bata kabi a—a kwiiya kwa Munsondo oko nko mwiiya. . . Nda bona Mukwesu wesu uyandika Don Ruddell kuno, alimwi Ndi lizi uli jisi kwiiya kwa Munsondo kuseeni. Alimwi antela kuli bakutausi bambi baliko kuno, kuzwa koonse ku masena aengelede, abo bajisi kwiiya kwa Munsondo. Lino, tu yanda kuti mwinkinke ku kwiiya kwanu kwa Munsondo, na muli jisi kumwi. Pele kuti na tamu jisi kwiiya kwa Munsondo, nkabela mula yanda kuba a ndiswe, Ndi yanda ku kanana kuseeni, a ku cibikka aa bbulakiboodi, a ku yiisya aa *I Ciimo Cizwide Ca Muntu Uulondokede*, a ku cidulowa mu bupati, aa bbulakiboodi, akutondezya zyelele zya Leza a nzila mbo tuboola ku ciimo cilondokede ca—ca muntu uulondokede, kumbele lya Leza.

<sup>7</sup> Elyo mpawo masiku juunza, Mwami nawayanda, Ndi yanda kubandika aa ciyo ca *Mweenzyi Wangu*. Aboobo, ikuti na no bamwi nomu takkali mu dolopo, nkabela tu yanda kusola kutalika miswaangano eyi cakufwambaana. Ikuti. . . Ta ndina kwaambaula a mweembeli pe, pele Ndi lombozya kuti inga twa talika kwiiya kwa Munsondo cakufwambaana loko kuseeni. Nkabela cikombelo juunza masiku, ndiza, na kula konzeka, kutalikila aa sikisi-theeti na cintu cimwi. Elyo ciyoopa bantu ciindi ceelede, . . . Aboobo, ikuti na bayanda ku kkala, inga tuno zwide, ndiza, kutandila eiti-theeti. Elyo mpawo bamwi babo. . .

<sup>8</sup> Nda swaana mulindu sunu, oyo weenzya otatwe na one . . . kutandila. Waa kati, ikuti na twazwa, eiti okuloko na eiti theeti, inga wa sika ku ng'anda kutandila tuu-theeti na thrii okuloko, cifumo cicilila, mulumi wakwe uya ku ncito. Aboobo, ta tuno citi cintu cili coonse, akwalo . . . ? . . . kutabeleka kuli koonse, aboobo—aboobo atu boole buyo ku cikombelo cakufwaambana, sunu masiku. Alimwi ta tujisi, nywebo mulizi, ta tuno jisi ciimo mbuli eci. Leza takwe ciimo, nywebo mulizi, Bbaibbele . . . ? . . . Aboobo tula syoma kuti nyoonse muli kuno, alimwi boonse bakonzya kuba.

<sup>9</sup> Lino, ikuti na mujisi miswaangano yanu iini, amuyeeye, eeci ngu cikombelo caabanwa a tubungwe oko bantu . . . ? . . . boola. Elyo buniji bwa nkamu zyesu zibambwa aa bantu bata kkali mu dolopo.

<sup>10</sup> Lino, ikuti na kwacitika kuba mweenzu kuno, Ndi yanda ku kutondezya cintu cimwi. Elyo Nda zwaa kweenda kuya ku cibumbili, nkabela Ta ndibwene—Ta ndibwene bantu bali kkumi abo mbe Ndi zyi. Mbangaye bantu kuno bata kkali mu dolopo lya Jeffersonville? Amu tambike maanza. Uh-huh. Mwabona? Peseenti iili makumi aali fuka a fuka. Uh-huh. Mwabona? Mbeenzuma buyo. Mbangaye kuno bazwa ku mamaile aali mwaanda? Amu tambike maanza. Kuli peseenti iili makumi osanwe, ya eco, bazwa kwiindilila mamaile aali mwaanda. Mbangaye kuno abo bazwa kwiindilila mamaile aali myaanda yobile? Amu tambike maanza. Huh! Bazwa kwa mamaile aali myaanda yotatwe; amu nyamune maanza aanu mujulu. Amulange kuya. Bazwa kwa mamaile aali myaanda iili yone; amu tambike maanza aanu. Amulangisye kuno. Bazwa mamailie aali myaanda yosanwe; amu myamune maanza aanu. Amu lange kuya. Kwiindilila komwe kuzwa muli totatwe twa mbungano, bazwa kwiindilila mamaile aali myaanda yosanwe. Mwabona? Mbeenzuma buyo abo babungana mukati kuzwa koonse! . . . ? . . . bayooba kuno. Aboobo tuli lumbide nkambo ka ndinywe, nkabela tuli waano kuti tumugwasye. Tuli waano kucita koonse oko nko tukonzya kuli ndinywe.

<sup>11</sup> Lino, Nda kazwaa kubala kusule kuya, lumwi, lugwalo mwana wangu ndwazwaa kundipa, lwa mulindu oyo waamba eci. Kaboola, ciindi eci, iyooba inyendo zili makumi otatwe ayosanwe eyo nja boola, kalangila ku kombelwa. Ziindi zili makumi otatwe azyosanwe, wa keenzya mamaile aa myaanda. Lweendo lwamakumi aali otatwe alosanwe.

<sup>12</sup> Elyo mpawo, amuyeeye, kuli myaanda iitandila ku cisambomwe na cintu cimwi, aa mweelwe wa balindila, kuzwa koonse ku nyika, kusola kusika, ku miswaangano yakubuzanya. Nywebo mwabona, ci cibamba buyumuyumu loko. Cindi no tu yeeya buyo zya ndyoonya awa, tacili maningi loko, inga twamvwa buyo eco. Mwabona, nku nyika koonse. Alimwi aboobo tula . . . ? . . .

<sup>13</sup> Ndayeeya ikuti na mulindu oyo nkwali mu buyake sunu masiku, lweendo lwamakumi aali otatwe alosanwe, oyo walemba lugwalo kuti inga uyooba kuno juunza? Kwa ziindi zili makumi otatwe azyosanwe wakaliko kuno, kakutakwe ku kombelwa. Ndi yeeyela kuti tako mu buyake, ndiza taakonzya kuboola. Pele Nda zwaa kubala lugwalo lwakwe kusule kuya.

Lino, lyoonse Nda kasola, cindi Nda boola kunselelo kuno, aa. . . cindi Nda nooli ku ng'anda, ku bandika cintu cimwi, kutali buyo kwaambaula, na kutali cintu cimwi eco cinga cabotezya bantu. Nda kasola kubandika cintu cimwi eco cinga cabotezya Leza a kugwasya bantu, nywebo mwabona, ku lugwasyo, kutegwa swebo toonse, takukwe makani eco cikombelo nko muzulilwa, ako kabungwe, kuti inga mwagwasigwa kuba a buponi bwa muni kuli Leza.

<sup>14</sup> Elyo ako nke kaambo kakuba kuno, buponi bwa muni maningi kuli Leza. Elyo twa jana eco sunu, mu kumuka mbuli mbokubede, a kuswena kwa Mwami.

Nda ambila mukaintu wangu sunu, “Ikuti na Tii ndaba mu lubukulusyoy, mu busena, Nda—Ndiyo nyonyooka. Ta—Ta ndikonzyi buyo kucizunda. Ndi. . .” Cintu cimwi buyo mukati lyangu, cilapya! Oh!

<sup>15</sup> Twa zwaa kumanizya kutobelana koonse kwa miswaangano, oko zyuulu zya bantu nko bakajanika. Elyo tacikwe makani, ikuti na waka jisi mamilioni aali obile na otatwe aa bantu, ikuti na kwiina lubukulusyoy. . . Eco neecico buyo ncotwakali kwiita, ku musanza mu Kentucky, muswaangano wa kwiindilizya ciindi. Nywebo mulizi, toonse swebo tula unka ku busena bwa muswaangano wa kwiindilizya ciindi, mbo twakali kuuita. Elyo. . . ? . . . Tu yanda lubukulusyoy, oko Muuya wa Mwami nkoweenda aa bantu, alimwi bantu kaba futulwa, alimwi zintu zipati kazicitwa ku kuzwidilizya cintu cimwi ca Bwami bwa Leza.

<sup>16</sup> Elyo eno, mu miswaangano ya mipailo, kanji tu. . . Inga mwabona kaambo nco twata kakonzya kuba a mundando wa mipailo kuno. Mwabona, kuli syankene buyo loko, inga tookonzya kucicita. Mwabona? Pele kanji, mu mundando wa mipailo ngu bantu abo. . . baboola a kujana i—i Mwami kuba kasimpe. Elyo tu jana kuti Mwami Jesu tana cinca nokuceya. Kuzwa obo Mbwa kabede, Mbwa cibede sunu, a lyoonse uyooba. Elyo Bbaibbele lya kati, mu ba Hebrayo 13:8, kuti, “Ngu mbobuca nguwenya, sunu, amuya myaaka.”

Elyo mu mabungano aa bantu abo babungana ku Mu mvwa, mu mazuba ayo, ndiza tiba kali kukonzya kunjila mu mundando wa mipailo, pele bakali kunga bajisi lusyomo lwa kusyoma. Elyo Mwami wesu wakali kunga wacebuka, mbuli lusyomo lwabo mbo lwakali kunga lwa Mu guma, nkabela wakali kunga wacebuka, alimwi wakali kunga waambila bantu kuti

kwakali zintu zimwi zyakalubide a mbabo, ezyo nzyo bakacita, alimwi kuli mbabo kuti baunke a kuponesegwa, na kuunka kucita cintu cimwi, ku lulamika cintu cimwi, na cintu cimwi. Tu lizi kujatikizya mwanakazi ku mukalo; a mwanakazi wakali kuciswa kuzwa bulowa; alimwi, oh, banji loko; Bartemaya moofu; kuti lusyomo lwabo lwaka Mu guma. Elyo sunu masiku, Ucili Mupaizi Mupati wa kulyaambilila kwesu, alimwi mupati buyo mbuli Mbwa kabede lyoonse.

<sup>17</sup> Lino, tweelede kulileka lwesu kuba balanda Bakwe. Ngu Musaansa, i—i kasensa ka Buumi. Tuli mitabi eyo itambula Buumi obo. Elyo mutabi nguu zyala mucelo; kutali musaansa. Elyo eno Kristo ula beleva kwiinda mu Mbungano Yakwe. Elyo mpawo ikuti na twalipa mu nzila iili boobu, cakuti Muuya Uusalala inga wa tweendelezya caku maninina, mu lusyomo lwesu muli Kristo, Uyo cita cintu nciconya, nkaambo ngu Kristo. Alimwi ikuti na uli aano, mweenzu kuli ndiswe . . .

<sup>18</sup> Lino, kanji, bantu kuno . . . ? . . . mu cikombelo, mweembeli wesu kuno uli jisi nkombyo zya baciswa, muciiimo cini masiku oonse. Elyo mula kombelwa a mweembeli wesu uuyandwa a siluzyalo, Mukwesu Neville, muntu oyo Leza ngwa mvwa a kuswiilila nkombyo zya, Mukwesu Orman Neville. Elyo—elyo . . . ? . . . Mukwesu Don Ruddell, a baabo bakwesu bamwi abo bakombela baciswa. Mukwesu Jackson, Ndi yeeyela kuti nkwali kuno, ku busena bumwi, kuzwa ku mbungano iimbi iibeleva antoomwe ku musanza mu Howard Park.

<sup>19</sup> Elyo ku ciindi eci, cindi no kusyankene bantu loko, ikuti na muyo syoma buyo Leza, . . . ? . . . kufumbwa cintu nco bulide, nkabela uli mweenzu alimwi ta Ndi kuzyi, ko lomba buyo Leza a kubona na Tali mbobuca nguwenya, sunu, amuya myaaka. Wabona ikuti na Ta ambauli ncobeni . . . ? . . . Uli kuzi. Uli zyi eco cilubide kuli nduwe. Cintu buyo ncoelede kucita nku Mu syoma buyo. Elyo mpawo Uyo kubelesya kuba cibelesyo cimwi, a ndime ca uumbi. Jesu wakati, Musalali Johane 14:7, “Oyo uusyoma Ndime, milimo eyo Nje cita uyo cita ayalo.” Lino, eco ncilongo cilipede.

<sup>20</sup> Lino, juunza, tuyo yiisya nzila mbo konzya kuba cilongo eco, cakuti Leza i Muuya Uusalala inga wabeleva kwiinda muli nduwe. Alimwi aboobo, mwabona, Wa kali Leza, wakali mu Musumpululu wa Mulilo; mpawo wa kakkala mu Mwana Wakwe, Kristo Jesu; eno mu Mbungano Yakwe. Ciindi cimwi Wa kali kutegwa “Taata,” mpawo “Mwana,” eno “Muuya Uusalala.” Ngu Leza, kali tondezya Mwini ku nyika. I nzila buyo Nja kakonzya kunjila mu Mbungano, lutaanzi yakali ya kufwida Mbungano, Kwi salazya, kuti Akonzye kuli tondezya Mwini kwiinda mu Mbungano Yakwe. Mpawo Wa kaamba, mu Musalali Johane 15, “Ndili Musaansa, nywebo muli mitabi.” Mwabona? Elyo mitabi iizyala . . . ? . . . mucelo. I Mwami amulongezye.

<sup>21</sup> Lino, ka tutana...?. . .ku ciiyo sunu masiku. Elyo ta Ndi yandi ku mujata kwa ciindi cilamfu, nkaambo Ndi bwene bantu baliimvwi. Elyo umwi kabweza busena bwakwe, elyo mpawo uumbi wakkala aa cuuno, abumwi bumbi.

Tuli mukusola, canguzu, ku jana i-i kuzumizigwa kukkala kwa zyuuno zitandila myaanda yotatwe na yone ya bantu baindilila, nkaambo ibalanga dolopo baboneka ku kuwayawaya kuli ncico, nkaambo ta tujisi busena bupati bwa kubikkila myootokala. Twa kajana kuzumizigwa kuzwa ku Indianapolis. Elyo mpawo, dolopo, tweeledede kuba a busena bwa kubikkila myootokala. Oh, cindi twabikka bantu bone mukati awa, tweeledede kuba a busena bupati bwa kubikkila myoota anze awa. Nkabela eci cibeela ca kubikkila myootokala awa ncobeni nca dolopo. Mwabona? Ba, tuli...Mbungano yesu kuno iili buyo...?. . .kakokola komwe kuzwa ku muncali wa dolopo. Elyo ncobeni, mugwagwa mupati, kaambo nco uyakilidwe kubusena kuya...Mubwini, nywebo no bamwi bantu, balombwana bakubusyi kuno, inga tiba cimvwisya eci. Pele eci cakali ciziba. Elyo Nda yeeya, cindi ni Nda kali mulombe, twakali kunga tweenzya kunselelo kuno. Twa kali kunga twa zunguluka kubusena kuya mu muunda, ku zunguluka ciziba. Ba kayaka mugwagwa ku zunguluka koonse, mugwagwa ku zunguluka ciziba.

<sup>22</sup> Elyo Nda kaula cilawo eci kuno. Kandikomba, alimwi awa eeni oko eci nkocibede, Mwami waka ndaambila ku cuula, kutandila myaka iili makumi otatwe yakainda, na myaka iili makumi otatwe ayobile yakainda, mbo cibede, mbo Ndi yeeya. Awa eeni, a cilobe cipati ncobeni, nkabela bwizu bwa mbizi koonse ku mitwe wangu. Elyo Nda kaula cilawo ku madollar aali mwaanda a kumi ali cisambomwe, eci cilawo caku kkona awa, nkabela twakayaka cikombelo.

<sup>23</sup> Lino, Mwami amulongezye. Ndi yanda ku, ikuti na inga caitwa kuba cibalo, ca kumwi kwa, kubala kumwi kwa ciiyo, bulembo bumwi. Ndi yanda ku kanana ku nkamu ya bantu, sunu masiku, aa ciiyo ca kuti *I Koongelezya Kwa Umwi*.

Elyo katutana ku kanana, na kubala Ijwi, atu kotamike mitwe yesu akwaambaula kuli Mukamwini wa Ijwi.

<sup>24</sup> Lino, a mitwe yesu kiikoteme, a myoyo yesu kiikoteme ayalo, mu lulemeko Lwakwe Lusalala, Nda yeeya ikuti na kuli bamwi aano sunu masiku, banga bajisi nkumbizyo ezyo nzoba...ilapya ku moyo wabo, kuti inga ba nyamuna buyo maanza abo kunembo lya Leza? Elyo a kwaamba mu mupailo wanu, "Mwami Jesu, Ndi jisi kubula. Kokanana kuli ndime, sunu masiku. Ko ndiponya. Kondipa kubula kwangu kwa zya makani aa mali." Na, kufumbwa cintu mbocibede, Ula pa zintu zyoonse zya kubula kwesu. Leza amulongezye. Kutandila peseenti iili makumi ali fuka iya mbungano.

25 Taata wesu Wakujulu, twa swena kuli Nduwe. Lino, mbuli mbo tusiya cikombelo eci ciniini ca bulongo eci mo tuponena, obu bwaato buniini obo bweenda mu mulyango wa buumi busetekene, kwiinda ku lusyomo twa boola kwiindilila Marsi, Jupita, Venusi, mweezi, nyenyeezi, Mukondo Wanyenyeezi Utuba. Elyo kusika eno, ku lusyomo, ku Cuuno cabwmi ca Taata. Mwabona, kukala kuya, maanza Aakwe aakayaswa a matende Aakwe! . . . ? . . . Obo Bulowa eno bula tu kombelezezya, mbuli mbo tutuula zipego zyesu aa cipaililo ca ngolide, kuzunguluka Cuuno Cakwe cabwami.

26 Twa Ku lumba, lutaanzi, nkambo ka Jesu, Oyo wakabamba zintu ezi zyoonse kukonzeka, kuli ndiswe, kwiinda ku lusyomo, kuti tuyo lomba. Yebo wa bona maanza! . . . ? . . . kalizi eco cakali kuuma kungsi lya moyo wa bantu. Nda bikka lusyomo lwangu, Mwami, aa Cituuzyo, cipaililo ca ngolide cipati ica Leza, oko kanunkilizyo nko kaumpwa mazuba oonse. Nda lomba kuti Uyo swiilila a kumwiila mipailo yabo, Taata. Ko bapa kuyandisya kwa myoyo yabo.

27 Lino, mbuli mbo tubungene, Mwami, sunu masiku, nkambo ka kuswaangana oku kotatwe, tuli kuno mu buyake obu bupya, sunu masiku, nkambo taakwe bukanze bumbi pele buponi bwa muni Lyako. Mukuziba eco cakucita . . . ? . . . Mwami, eco ca kucita. Mbuli musinsimi mbwa kaamba, “Abo balindila ku Mwami, bayo bukulusya nguzu zyabo. Bayo tanta a mababa abo mbuli sikwaze. Bayo zuza, a kuta katala. Bayo enda, akuta wizuka.” Mwami, kotuyiisya nzila ya kulindila, twamana kulomba; elyo mpawo kuba a lusyomo, ku ziba kuti Yebo ulavwiila. Elyo mu ciindi Cako cini icibotu, Uyo tuma kwiingulwa kwesu nkoonya kunselelo lya matantilo aa ngolide, kuzwa ku migwagwa yaku Julu, nkoonya ku buntu bwesu. Alimwi tuyo tambula eco nco twalomba, nkaambo tula cisyoma.

28 Ko salazya matwi eesu, sunu masiku, kuti amvwe, a myoyo yesu kuti iitambule. Alimwi akube kuti, cindi kuswaangana kwamana, akube kuti twaambe mbuli baabo bakazwa ku Emau, “Sena myoyo yesu tee yappa muli ndiswe mbuli Mbwali kwaambaula kuli ndiswe mu nzila?” Nkambo twa cilomba mu Zina Lyakwe. Amen.

29 Ndi yanda kubala, sunu masiku, cibeela ca Lugwalo lujanika mu Bbuku lya Isaya. Juunza, koba masimpe, ikuti na uli jisi pepa, Ndi yanda kuti mu . . . Ndiyo oba a pepa lijisi zyakalembwa atala awa, na bbulakiboodi, ku baanga nkulemba mubupati . . . ? . . . ciyo. Alimwi Ndi yanda kuti muka cimvwe, ikuti nainga mwakonzya, nkaambo mula konzya kuciiya mwamana kusika ku ng’anda.

30 Isaya, capita 6. Ndi yanda kubala tumpango tu syoonto kuzwa mu capita eyi, kubamba ciyo ca sunu masiku.

*Mu mwaka ulya mwaami Uziya wakafwa Nda kabona akwalo Mwami ulikkede aa cuuno cabwami, ulikusumpwidwe loko, nkabela malongwe aakwe akazuzya itempele.*

*Ajulu lyaco kwakaliimvwi ba serafimu: umwi aumwi kajisi mababa aali cisambomwe; a obile kavumbide busyu bwakwe, a obile kavumbide matende aakwe, a obile kaulusya.*

*Elyo umwi wakoompolola kuli umbi, a kwaamba, Uusalala, uusalala, uusalala, ngu MWAMI Leza wa makamu: nyika yoonse iizwide bulemu bwakwe.*

*Elyo zikunguzyo zya mu tempele zyaka zungaana ku jwi lyakwe oyo iwakoompolola, nkabela ng'anda ya kazula busi.*

*Mpawo Nda kati, Maawe kuli ndime! nkambo Nda nyonyooka; nkaambo Ndili muntu wa milomo iitasalali, alimwi Ndi kkala aakati ka bantu batasalali milomo: nkambo meso aangu abona Mwaami, MWAMI wa makamu.*

*Mpawo kwa kauluka umwi waba serafimu kuli ndime, kajisi ikkala lya mulilo mu janza lyakwe, eelyo ndya kabwezele a lumano kuzwa ku cipaililo:*

*Elyo wa lyaampya ku mulomo wangu, a kwaamba, Bona, eci ca ampa milomo yako; elyo milandu yako yamana, elyo cibi cako ica salazigwa.*

*Akwalo Nda kamvwa jwi lya Mwami, lilabuzya kuti, Nguni Ngu ntiitume, alimwi nguni uukonzya kutwiinkila? Mpawo Nda kati, Mpaawa Mpendi; kondi tuma.*

<sup>31</sup> Oyu ngu i—i mulimo uukubwene wa kucita, cindi twa yeeya zya. . .eco nco ciyo pandulula, mbuli mbo tulanga langa cilengaano ca Isaya. Cili. . .Lyoonse ndaka mubotelwa Isaya. Wa kali umwi wa basinsimi bapati. Isaya waka lembe Bbaibbele mboli zulwa. Kuli Mabbuku ali makumi aali cisambomwe acisambowe mu Bbaibbele, alimwi Isaya waka lembe na capita aali makumi aali cisambomwe acisambomwe. Ula saanguna ku matalikilo a bulenge; aakati ka Bbuku, ula leta Cizuminano Cipy a alimwi Johane Mubapatizi; a ku capita 56 a 60, ula gola mu Mileniumu mpati: Matalikilo, kwiinda mu Cizuminano Cipy a, kunjila mu Ciyubunuzyo. Muntu mupati, wakali Isaya oyu; kumalekelo wakafwa mbuli sikufwida lusyomo lwa bukombi, ku bweendelezi bwa cisubulo cakujaigwa.

<sup>32</sup> Muntu oonse wakazwide Muuya iwa mu Bbaibbele wakafwa na waka penzegwa ku bweendelezi bwa mfulumende mpati; boonse baabo mbo mukonzya ku yeeya: Musa; bana ba Hebrayo; a Danieli; a Isaya. Isaya waka zapaulwa a saha. Elyo



kuzwa ku matalikilo kusika ku mamanino, Johane Mubapatizi, umwi aumwi wa baapostolo, Jesu Mwini, boonse bakafwa ku bweendelezi bwa cisubulo cakujaigwa, na cisubulo kuzwa ku mfulumende mpati. Alimwi mbuli ku nzila zintu mbo zili mukulundana, ku yooba bulunguluzi bunji kuyungizigwa kuli bwabo, bumwi bwa mazuba aya. Uh-huh. Ikuti na kwakali ciindi cakasola kuba eco nco tweelede kujatana antoomwe, nde lino.

<sup>33</sup> Nda yeeyela kuti mulamvwa muswaangano uucitika mu Rome. Elyo tuli. . .kuba. . .Bali mukuba a ciindi cipati okuya, alimwi bayo talika lubukulusyo. Luyooba lubukulusyo lwa nyika yoonse, masimpe. Kujoka ku ciyo eci. . .Tula jana eco mu Zinamatizyo zili Ciloba. Ku ciyo eci kuba a “kongelezegwa.”

<sup>34</sup> Mwaami Uziya wakali mulombwana mweembeli. Wa kakomezegwa, alimwi wakali kuyandisya masena aanze. Alimwi wa kalela ku ciindi ca cisinsimi ica Isaya. Isaya wakajana kwiiya kuzwa—kuzwa kuli umwi wa basinsimi bambi bapati. Alimwi Ndi lasyoma kuti wakali Zekaria, kuti Isaya waka jisi kumvwisya kwiinda muli nguwe, oyo wakali musinsimi mbuli Isaya waka boola aa cilawo. Elyo Isaya wa kaitwa, elyo wa kali musinsimi. Basinsimi taba bambwi buyo ku bantu; basinsimi bala zyalwa kabali basinsimi.

<sup>35</sup> Lino, kuli cipego ca businsimi eco ciboola mu mbungano, cakuti bantu balapa cisinsimi. Zizo zinji zya Mubili wa Kristo zila konzya kucita eco, oko nku bweendelezi bwa bunanike.

Pele musinsimi ula bikkwa mu Mbungano kwiinda kuli Leza, wakanzwa ku cipego ca musinsimi, na cipego cakuba musinsimi, kutali sikusinsima.

<sup>36</sup> Lino, lino tu jana kuti oyu muntu mukubusyi waka kona cuuno cabwami. Ikuti na muyanda kulemba amwi Magwalo aa mapepa, mu Makani Aabili, capita 26, inga mwabala awo aamba zya Mwaami Uziya, bawisi niba kamana kufwa. A-m-a-z-i-y-a, Amaziya, nakamana kufwa, kali muntu uululeme, elyo wakali zangide ku Mwami nkabela waka jaigwa a bantu bakwe beni, Uziya wa kabweza wakwe, na Uziya, mubwini, kabweza busena bwakwe kuba mwaami. Alimwi wa kabikkwa aa cuuno cabwami a kunanikwa, aa kukomena kwa myaka ili kumi acisambomwe yakukomena, mulombe buyo. Pele wakali mu nzila ya kuba mwaami, nekubakuti kali mulombe buyo. Nkabela waka zwidilila. I Bbaibbele li twaambila kuti waka jisi bawisi banaleza a banyina banaleza. Nkabela ta kakonzya kuba cintu cimbi, akwalo, a kongelezegwa oko, mbuli kuba mulombe munaleza, nkaambo wakali eco caka bikkwa kumbele lyakwe ciindi coonse.

<sup>37</sup> Nywebo mulizi eco nce Ndi yeeya na? Bantu boonse bajisi muyeeyo wabo beni. Pele umwi wa bapati maningi, alimwi ku muyeeyo wangu, muleli wa cisi wakali mupati maningi oyo ngo twa kasola kuba mu cisi eci, wakali Abraham Lincoln.

Lino, kutali kuti nkaambo wakali muna Repablikani, pele nkaambo wakali obo mbwa kabede, muntu munaleza. Nkabela wa kakomezegwa, alimwi wa...kubelekela Leza. Elyo wa kati, “Ikuti na kuli cintu cili coonse eco nce Ndi yanda kupa kulumbaizya,” wa kati, “na buumi bwangu nko bwa koongelezegwa, bakali baama banaleza abo baka ndiyiisya ku komba a kuziba Jesu mbuli Mufutuli wangu.”

<sup>38</sup> Oh! Mukwasyi wako uli mbuli mbobede. Ula komezya mwana wako mu bube bumwi; ula jana peseenti iili makumi aali fuka alusele kuba a coolwe cibotu loko kweenda mu buluzi kwiinda mbwa jisi ikuti na wa mukomezya mu nzila iilubide. “Amu komezye bana mu nzila njo beelede kweenda, alimwi bakomena, taba kazwi kuli njiyo.” Amu komezegwe kabotu. Amu yiisye bana banu kucita kabotu, kuba basyomeka, kuba basyomeka a baluleme, akwalo cindi nobali mu cikolo.

<sup>39</sup> Lino, ziindi zinji, bana bala langilwa kwiiyana umwi aumbi, alimwi—alimwi kusola kuli kakatizya mu nzila yabo kwiinda mu cikolo. Pele, nywebo mulizi, Ndi yeeya, ikuti na wa cijata buyo, lwako, mpawo ngu cintu cimwi eco nco—nco konzya kulumba, ipepa lyako lya kuzwindilila kwaciimo cibotu.

<sup>40</sup> Nywebo mulizi, ikuti na uyooba a musunko buzuba bucilila, mu busena bwa kuzuza koonse masiku oonse, wabuka cifumo cicilila, a kuyeeya, “Ee, Njo kkala muni *Aniini-a-aniini*. Mba songo, alimwi bayo...Inga ndakkopela kuli mbabo,” ikuti na uyo buyo...Taata katana kupa kulumba ku tafule lya kalimbabula, ikuti na uyanda kwaamba buyo, “Taata, ko ndi yeeya, sunu, Nde elede kulemba musunko mu chemestiri,” na kufumbwa mbo cibede.

Mpawo yebo, cindi wa komba, taata, kwaamba, “Leza, koleleka John, Mary, mu musunko wabo sunu.” Nda mwaambila, ciyo pindamuna bweende bwakucitika.

<sup>41</sup> Amuyeeye, inga twakonzya kujana eco nco tu yanda, ikuti na mwalomba mu lusyomo, kamusyoma. Jesu wakati, “Zintu zyoonse zila konzeka kuli baabo basyoma.” “Ta mujisi, nkaambo tamu lombi.” Elyo ta mulombi, nkaambo ta musyomi. Wa kaamba, “Amu lombe kunji, kutegwa lutangalo lwanu luzule.” Nda botelwa eco.

<sup>42</sup> Lwiiyo lwesu luli luleme: koamba cintu ciluleme, kocita cintu ciluleme, koyeeya cintu ciluleme. Lyoonse koba uuyeeya ciluleme. Ndi jisi kayabizyo kaniini, “Kocita ciluleme, oyo ngo mulimo wako kuli Leza. Koyeeya ciluleme, oyo ngo mulimo wako kuli lwako. Elyo uleelede kuba uululeme.”

<sup>43</sup> To konzyi kwiinka kujwe a kumbo ku ciindi comwe, nekuba tokonzyi kwiinka koluleme a kulubila ku ciindi comwe. Tacikwe mbokuli kunji mbo yeeya kuti uya ku nzila imwi, ikuti na toli mu kweenda cakugama kumbo, toinki kujwe ikuti na wiinka kumbo.

44 Aboobo oyu mwaami mukubusyi, mbwa koongelezegwa kuli bawisi cindi na kali muntu mukubusyi, alimwi wa kayiisya Israyeli milazyo ya Leza. Elyo mpawo, mpoonya buyo, wa kacinca mu mazuba aakwe aa mamanino alimwi waka yiisya kulwana Leza. Nkabela bantu bakwe beni. . . Wa kajayigwa ku bantu bakwe beni. Ca kaboneka mbuli kuti eco cakali ciiyo cipati kuli Uziya, kuli eci. Pele tu jana, kuti, cindi Uziya naka kona cuuno cabwami, cakuti wa katalika kabotu mu nzila ya bawisi mbo bakacita, kujosya zintu zya Leza, kujosya Israyeli ku kukomba Leza. Wa kaliyumya mwini.

45 Elyo Nda yanda lyoonse kuba sikulumba nguwe mu mazuba a bukubusyi bwakwe, nkaambo kwiina na kacita zya tunzenyu tuli toonse. Nekubakuti tunzenyu antela twakali ku mulwana, pele, nekuba, wa kakkala caku lulama mu nzila ya Leza. Elyo cakabotelezya musinsimi oyu, mukubusyi muniini, loko, mane wakaba sicamba. Wa kali mukozyanyo kuli Isaya musinsimi.

46 Elyo Isaya waka njila ku ng'anda mpati ku kkala a nguwe, ku ng'anda ya mwaami. Wa kamwiita kuti anjile. Wa botelezya Isaya. Isaya wakali mukubusyi, awalo. Alimwi—alimwi wa. . . Ba kali balongwenyina loko, antoomwe. Elyo nzila mwaami oyo, cindi na kali kunga wazwa aanze kuya. . .

Elyo balo, bamwi bantu ba tunzenyu, bakali kunga baboola mukati a kwaamba, “Tweelede kucita *boobu-a-boobu*.”

Mwaami Uziya lutaanzi waka yandaula Mwami. “Mwami, sena nduyando Lwako kuti tu cite obu-a-obu?”

Leza, kotupa muleli wa cisi mbuli oyo. Kutali buyo obo, pele kotupa bakambausi. “Amu yandaule Bwami bwa Leza lutaanzi a bululami Bwakwe, nkabela zintu zyoonse zimbi ziyo yungizigwa.”

47 Oku kwa keelede kuba koongelezya kupati, nkaambo Isaya wakali ku muyanda. Nkaambo, wa kabona kuti wakali muntu mulemu, nkabela wa—wa kaima nji a canguzu nkambo ka Leza. Elyo nywebo mulizi, ziindi zyoonse, mu mazuba ayo nge tupona mo, mu zintu ezyo nzo tucita, amu yeeye, buleya ta bulangi ku mweembeli, nzila mbwa pona. Walo. . . Bala langa akwalo ku bantu buyo.

48 Oh, obo mbo cili cibbi loko cindi twa yeeya zya mbungano! Ziindi zimwi, ikuti na mweembeli uzulilwa ku kabunga kamwi na mukowa, a kabunga aka kala mutuma ku mbungano imwi, elyo ziindi zimwi ayo maanza aa mweembeli aalangidwe, ku kabunga ako. Nkabela mulombwana muniini uyanda kubelekela Mwami. Ula yeeya, waka yiisigwa kuti eyo nje nzila luzutu mbwa konzya kucicita, nkwiinda mu kubelekela kabunga kakwe. Alimwi ikuti na waima a ku kambauka eco Ijwi nco lya kaamba, mbungano inga ya mu vootela kuzwa; alimwi mpawo ula yoowa kuti inga taaba a coolwe mpawo ku kambauka Makani mabotu.

<sup>49</sup> Oh, eco nco tuyanda mu zikambaukilo, sunu, mbantu mbuli Uziya mbwa kabede. Takukwe makani oto twakali tunzenyu twa mbungano yakwe, na tunzentu twa cintu cili coonse cimbi, wa kabelesya janza lya Leza, koonse kumaninina. Wa kalindila mane wa kajana MBUBOBU MBWAAMBA I MWAMI, mpawo waka cicita.

Muniini, oyo musinsimi muniini, mulombwana mukubusyi kutandila myaka yakukomena kwakwe, mu tempele a nguwe, baka fugama antoomwe a kukomba, kakutakwe kuzumbauzya, a kulomba luyando lwa Mwami, alimwi mpawo ku ceezyanisa a milao ya Bbaibbele. Mpawo, ikuti na cakali kabotu, Uziya waka cizumizya. Ikuti na tii cakali kabotu, wa kasampaula tunzenyu aali ncico. Leza, kotupa uumbi mbuli oyo. Nkabela eco caka botela Isaya nkaambo wakazyalwa kali musinsimi.

<sup>50</sup> Elyo Uziya wakaba i—i sicamba kuli Isaya. Nywebo mwabona, nkaambo ka kwiima kwakwe—kwakwe nkambo ka Leza, wakaba sicamba mu meso aa mululami. Alimwi antela tii kwakali balulami banji loko. Mwabona? Pele cintu nco tuyanda kucita, nkubamba buumi bwesu kuzulizya kuli Leza. Muntu umwi ula kulangilila.

<sup>51</sup> Nda kali kutobela muntu umwi buzuba bumwi. Mu masena aengelede, ba kajisi . . . i—i mbungano ya kabungwe kapatu yaka jisi cipobwe ca cizyano ca kuyuumbana buniini kunselelo kuno, nkabela bakali kuzyana kusikila kutandila naini okuloko kuseeni. Alimwi bakali kuseka muntu umwi oyo uboola ku cikombelo, alimwi kaamba kuti bakali “babumbulusi basalala,” abo baka boola kunselelo kuno, nkaambo tii twa kajisi kabungwe. Oh, ino eco cakandipa coolwe! Inga watandila buyo kuyeeyela eco cakacitika. Pele, cintu ca ncico ngu, eno, bantu abo, kwiina kuzumbauzya oyo mulindu mukubusyi oyo wakaamba bwaambe, ikuti nakalizyi eco cakali Bwini!

<sup>52</sup> Nda kali mu cilundu, nsondo zisyoonto zyaında, alimwi kaindi. Cindi ni Nda kali kuboola ku ng’anda . . . Twa kajoka, mukwasyi a Ndime, kuti tu lyookezye aniini, oko nko tuya alimwi, Mwami na wayanda, nsondo iicilila. Elyo mpawo, kujoka kuya busiku bumwi, Nda kabona cilengaano. Elyo wakali i—i mwanakazi, mubotu weebeka, mbwakaboneka, mwanakazi mukubusyi, kazuzi. Waa kajisi janza lyakwe muni, alimwi waa kali kunyonyooka ku kulwanwa kwa moyo. I mwanakazi mubotu, nkabela wakawa a kufwa. Elyo Angelo wa Mwami wa kaamba, “Lino, cindi wamvwa eci, koyeeya. Bayo amba kuti waa lijaya. Pele wa kafwa mu kulwanwa kwa moyo. Kula tandila ku foo, aboobo koamba buyo foo okuloko.” Elyo mpawo Wa kandisiya.

<sup>53</sup> Elyo Tii ndaka sinsimuna mukwasyi pe, mu luwaya luniini lwa ng’ombe, na oko beembezi babelesya mbizi nko bakkala, oko nko twakali kujoka kuya ku kunyona ng’ombe. Nda—Nda kaba

siya buyo kaboona mane kuseeni. Elyo mpawo buzuba bucilila, Nda ka caamba. Elyo Nda kati, “Umwi mwanakazi mukubusyi, uubotelezya loko, uuyofwa mu kulwanwa kwa moyo.” Elyo mu mugwagwa kubusena, mazuba obile nakainda, mpaawo caka boola ku kapepele. Kuti oyu Muka . . . Ta ndi konzyi kuyeeya zina lyakwe. [Muntu umwi waamba, “Monroe.”—Mul.] Monroe, Muka. Monroe. Ndi yeeya kuti eelyo nde lyakali zina lyakwe lyamu musobano, na kufumbwa mbo lyakabede. Zina lyakwe lyakali cintu cimwi cimbi. Elyo wa kafwa, alimwi ba kaamba kuti waa kali jaya.

<sup>54</sup> Lino, ta cibambi lwaandano luli loonse olo kunji Nko ndinga ndacaamba, ba ciyo amba kuti waa kali jaya. Pele mwana takacita. Waa kafwa mu kulwanwa kwa moyo. Elyo ikuti na inga mwa langilila, waa kajisi kwanza kwakwe, kasola kubweza fooni, fooni mu janza lyakwe. Waa kajisi kulwanwa kwa moyo. Ba kati mapiilusi aang’onzi aka janika. Waa kali kwaanywa kwa mweezi, mwabona, na kwiindila, kuzwa ku bbodela eelyo. Waa kafwa mu kulwanwa kwa moyo. Elyo waa kafwa kutandila tumvwalumvwalu tone na tosanwe kakutana kuba foo okuloko, ncobeni.

<sup>55</sup> Elyo Nda kabala kaano ka buumi bwakwe, mu magazini, nzila eyo walo . . . Waa kali mwana wa musokwe. Elyo nzila eyo mbwa kasanzia mitiba minji loko. Elyo banyina mu kabunga kalanga basondokede. Elyo waa kali kuyandisya . . . Waa kali mwanakazi waka jisi mubili uulondokede loko, Nda yeeyela, mu nyika. Pele wakali kusukamina cintu cimwi eco mali ncatkali kukonzya kuula. Nda kayeeya, “Oh, Ndi lombozya kuti ni Nda kasika kuli nguwe. Ndi lizyi eco nca kabulide.” Nceeco we.

<sup>56</sup> Ndiza mamembala a mabungano aa Hollywood, ya mpuwo, mbotu loko, oko lusakatizyo loonse a kubambwabambwa kwa tulembo kuliko. Pele bala bona bantu abo. Waa kali kubona kuti tee bakali kupa bwaandene kwiinda eco nca kacita. Ci tola koongelezya. Ci tola nguzu zya bubuke bwa Kristo aakati ka bantu, kuti babone kuti Kristo uli aa cibumbwa caanzikidwe ku buyake, pele Ngu Cilenge mu ciimo ca Muuya Uusalala, kaponi mu bantu a banakazi, kaleta luumuno, a kukkutula, a kukkomana. Oh, ikuti ni twaka konzya buyo kusika ku mulindu mukubusyi katana siya nyika!

<sup>57</sup> Lino, koongelezya. Tu jana kuti—kuti buumi bwa Uziya bwa koongelezya musinsimi oyu, alimwi kusikila ku busena obu cakuti Uziya—Uziya, mubwini, waka yaka malambo a kuliyumya, a kujosya inyika a lukono olo lwakali lwabo, kuzwa ku ba Firisti, a zimwi zimbi, kusikila mpuwo yakwe yakeenda lweendo loonse kusika ku Egepita. Elyo Nda mwaambila, oonse Makani a Bami, kwa kanyina wabo, kunze lya Solomoni, eyo yakamwaika koonse mbuli Uziya. Nkaambonzi? Nkaambo wa kabamba mukozyanyo. Wa kakkala a Leza, kwakanyina makani eco bantu nco ba kayeeya, eco kufumbwa muntu uumbi nca

kayeeya, eco basitunzenyu bakwe nco bakasola ku moongelezya. Wa kakkala cakululama a Leza, alimwi Leza waka muleleka. Lwakali lugwasyo lupati ku musinsimi oyu mukubusyi.

<sup>58</sup> Obo Leza mbwa leleka muntu oyo uuyooba bwini ku Ijwi lya Leza! Lino, inga taaba simpuwo maningi, pele uyo lelekwa. Elyo eno bantu baleelede kubamba kusala kwabo, naa muyanda kulilemeka mbuli bamwi balombwana, na mu yanda kulelekwa kuli Leza. Lino inga mwabweza kusala kwanu. Ikuti na muyo pona mbuli bamwi bambi, muyo lelekwa kuli mbabo. Pele ikuti na muyo nyona...kuyanda kwanu koonse kuli Leza, alimwi muyo lelekwa kuli Leza. Aboobo mu leelede, “Amusale ku buzuba bunu oyo ngo muyo belekela,” mbuli musinsimi mbwa kaamba. “Lyoonse amuyeeye Mulengi wanu, lutaanzi, lyoonse.”

<sup>59</sup> Lino, pele, cindi oyu mwaami nakasika ku busena, mukuba muntu mupati obu, a koongelezya Isaya a mululami, mu bwini, ku bwami bwakwe, wa kasika kubusena nkwa kalimvwa kukwabililwa mwini.

Elyo mpaawo a busena mpo mubamba bulubizi bwanu. Mpaawo a busena bantu balulami banji loko mpo bawida mu mause, mpo bawida mu kuzundwa, ngu kaambo kakuti batalika kulimvwa kukwabililwa lwabo. Ula talika kuyeeya kuti wakaponena Kristo kwa ciindi cilamfu loko, kuti, takukwe makani eco Nca bikka kumbele lyako, uyo bweza kusala kwako naa ula Ci yanda na pe. Yebo ulelede kuzumanana kubelakela Leza. Takukwe makani obo mbokabede, kaindi ku myaka iili makumi yakainda, ngu ceeco mbobede eno.

<sup>60</sup> I mwaami wakasika ku busena oko nkwa kayeeya muli nguwe, kuti, wa kalisumpula. Kulisumpula kwa kanjila mu moyo wakwe.

Eco ncecico cicitika kuli ndiswe. Ikuti na mwandi jatila ku bwaambe obu, eco ncecico cakacitika ku mabungano eesu mu cisi coonse. Ngu bantu babotu mukati muya. Bamwi babo mbabainda loko abo baunka ku cikombelo. Ndi yeeya kuti babotu loko mu nyika mbe baunka ku cikombelo. Pele cintu ca ncico ngu, i—i ciyanza ca kabungwe cila lisumpula. Eco ncecico cakacitika ku i—i Methodisti. Eco ncecico cakacika ku Baptisti. Eco ncecico cakacitika ku Nazarene, Pilgrim Holiness, ku Pentekoste; kalisumpula, bamumvwa zyabo, makanze aakuliyanda, kulisumpula, cakuti to konzyi ku mwaambila cintu. Leza takonzyi kujana nzila ya kunjila mu myoyo yabo. Ngu kaambo kakuti baalipa kuziba zintu zyoonse cakuti taakwe muntu uukonzya ku baambila cintu cili coonse. Elyo kwiinda ku kuliyaka lwabo ku buzyabuzya koonse, a babunyina, bala liyaka beni koonse ku kansiyanziya kabo. Elyo cindi ba cita, bala musiya Leza kusule.

<sup>61</sup> Eco ncecico cakacitika ku madokotela. Cindi baba basimumvwazyabo loko cakuti taba yandi lugwasyo luli loonse

kuzwa kuli Leza, cakuti cindi ne Ndi tayandi—tayandi umwi kundi fubaazya. Ncibotu. Iiyi. Cindi wasiya Leza kuzwa ku cintu cili coonse, yebo, Ndi yanda kuti undisiye, ambebo. Mwabona? Nkaambo, weelede kuyeeya lyoonse Leza kusaanguna.

Wa ka lisumpula.

<sup>62</sup> Banji maningi, sunu, mwa bweza i—i mukwasyi wa bantu abo bayo talika kuya ku cikombelo, alimwi Leza uyoponya mukwasyi muniini. Uyo balongezya a kubapa Muuya Uusalala mu buumi bwabo. I bana baniini bayo komba, ku zunguluka tafule. Bayo komba kaba tana kuya ku koono. Baama a taata bayo swaanganya maanza a ku komba. Elyo kufumbwa kuti bazumanana mbuli obo, bayo kkala kabali mukwasyi. Pele mwaba lekela kuti bajane. . . Cintu citaanzi mulizi, tii baka jisi cintu; cisengele ca mootokala wakaindi, ndiza, kweendela mo koonse, na ndiza kweenda.

Kumalekelo bayo jana mootokala mbotu, muunzi mubotu. Elyo cintu citaanzi mulizi, mpawo ba yanda kuba obo mbo babede, nyika, iita, “nkamu mbotu loko,” ya kuba antoomwe. Bala unka mu masena aengelede aandeene, elyo mukati muya, bala jana kuti baba boongelezegwa ku koongelezwa kulubide.

Mweelede ku kkala lyoonse awo Bwami bwa Leza mpo bubede, alimwi awo bulemu bwa Leza mpo butondezegwa mu nzila yoonse. Amu kkale awo mpo musaninwa ca kumuuya, isikati a masiku. Mpawo cintu citaanzi mulizi, kwaandana kwanjila mu muunzi, a ciimo canyika, nkabela balaba balisumpula.

<sup>63</sup> Uziya wakacita eco. Wa kali sumpula; kulisumpula kunji. Elyo eno tula bona eco nca kasola kucita. Lino, eco caka mujata maningi, cindi na kali sumpula, mu moyo wakwe, tula ambilwa mu Bbaibbele. Mu Makani 26, tu jana kuti, Makani Aabili 26. Tu jana kuti wa kainka mu tempele lya Mwami, acakumwaisya mu janza lyakwe, kuti akaumpe kanunkilizyo ku Mwami. Elyo cindi na kacita, mukutausi wa tempele, a bakutausi bali makumi ali lusele, baka mutobela a ku mwaambila, “Uta citi eco. Uli lubide. Yebo toli mukutausi pe. Uli mwaami, kutali mukutausi.”

<sup>64</sup> Elyo wa kanyema, nkabela wa katukumukwa, alimwi bukali bwakwe bwa kalongomoka kuzwa kuli nguwe. Nkabela wakayasya cakumwaisya, kuti aunke kuli koonse, elyo Leza waka muumya cinsenda mpoonya awo kuciindi na kaimvwi mu bukali bwakwe. Nkabela wa kafwa, sicinsenda. Ba kacita ku mugwisya kuzwa ku tempele.

<sup>65</sup> Mpaawo a busena mpo tu yanda ciyyo eno. Ikuti muntu oyu, oyo Leza ngwa kaleleka mu mulimo wakwe uumugeme, pele ta kakkutila a ceeco. Wa kali kuyanda kubweza busena bwa muntu uumbi. Yebo tokonzyi kuba cintu. . .

Mbuli Mwiiminizi wa mung’anda ya milawo Upshaw, mula mu yeeya, umwi oyo wakali—wakali mulema kwa myaka iili

makumi aali cisambomwe alusele nkabela wa kaponesegwa mu muswaangano kubusena kuya, nywebo mulizi. Wa kali Mwiiminizi wa mung'anda ya milawo mu United States. Wa kaamba, "Yebo tokonzyi kuba cintu eco nco tabede." Aboobo eco cibee mbwini. Yebo weelede ku kkala mu kwiitwa kwako, oko Leza nkwa kakwiitila.

<sup>66</sup> Lino, kufumbwa kuti nakacili mwaami, nkokuti wakali cilongezyo ku bantu, mukuba mwaami. Pele cindi na kayeeya kuti wakali mukutausi, mpawo . . . wa kayeeya, nkaambo Leza waka mulongezya, inga nakacita kufumbwa cintu eco ncakali kuyanda kuba. Pele wa kali cilongezyo ku bantu, mbuli mwaami; pele kutali cilongezyo, wa kaba lutuko kuli mbabo mbuli mbwa kasola ku kubweza busena bwa mukutausi.

Elyo tuli jisi kunji kwa ceeco. Bantu boonse bayanda kubweza bbola. Mwabona?

<sup>67</sup> Cindi mwano sobana musobano wa bbola, mbuli mbo cili ciindi ca bbola, cintu nco tu yanda kucita, nkuti kutali bantu boonse kusola kunyanga bbola ku muntu uulijisi. Uli mukusola ku kwaabilila muntu oyo, ku mukwabilila, mulekele azwidilile. Tu soleka kunywisya ibbola. Mwabona?

<sup>68</sup> Pele inga mwayeeya inkamu ya basibbola iitayiide maningi mbuli kujana muntu omwe, muntu wabo beni, kajisi bbola kazuzza ku lubuwa lwa kunywisya, alimwi mpawo mu busena bwa kusola kugwisya sinkondo kuli nguwe, inkamu ya basibbola bazundanwa abo, ku lekela muntu wanu wini oyo uujisi bbola azwidilizye a ndilyo, muntu oonse ulasola ku munyanga bbola ku janza lyakwe? Baa, mu leelede kuzundwa.

<sup>69</sup> Elyo sunu tu jisi cintu nciconya. Cindi twa bona Leza kaboola aa cilawo a kuyo longezya cintu cimwi, a tu tantamune basinkondo boonse kuzwa kuli ncico. Atu belesye koongezya kwesu mbuli zibelesyo, kutali basikuzuzza, zibelesyo ezyo zikwabilila sikuzuzza, ku mulekela kubweza bbola kuti azwidilile; nkaambo kwiinda sikuzundikizya, koonse nkweelede kucita nku zumanana kuzuzza. Elyo tweelede kuba zibelesyo.

<sup>70</sup> Nda kanana nyika yoonse, nywebo mulizi, ku Full Gospel Business Men, koonse ku nyika, kubamba miswaangano ya bakambausi. Kutali ciindi cilamfu cainda, cindi, Nda syoma, kwakali ku Kingston, Jamaica, cindi nobo kali a Castro a boonse babo kuya ku muswaangano oyu. Na, twakali ku musanza ku busena bwakwe, eyo nje nzila mbo cakabede, a ciimo campuwo ca koonse ku kasuwa cakali kutala kuya. Elyo abo bantu basimakwebo bakali kusola kukambauka Makani mabotu. Wa zwa mu busena bwakwe. Swebo to bakambausi tujisi ciindi ciyumu ncobeni kucibamba ku lulama. Alimwi bala belesya koongezya koonse kuniini nko bakonzya kujana, a mancenjela oonse masyoonto mu nzila *eyi* a nzila *eyo*, alimwi cila cibamba kuta lubila loko, tozi eco cakucita.



<sup>71</sup> Ziindi zinji, mu—mu cikombelo, cikombelo ciniini inga caba a lubukulusyo kalu citika. Muntu umwi uyo yanda kuunka kubusena *awa* a kusololela muswaangano wa mipailo, elyo mpawo ujisi muzeezo waandene kuzwa kuli eco Bbaibbele nco liyiisya ncobeni, pele ula Ci syoma mu nzila *eyo*, nekuba, nkabela uyo talika koongelezya a kukwela bamwi kuzwa kuli Ncico.

I cintu cakucita nkukwabilila Mulumbe oyu, nzila Mbo uli mukweenda. Amu kkale cakululama a Nguwo, a ku tantamuna zintu zyoonse kuzwa kuli Nguwo, ikuti na tuyo sola kukosola munyiza wa kunywisizya ibbola. Ncibotu.

<sup>72</sup> Elyo Nda kati, “Bakwesu, kuli cintu cimwi cilubide. Nywebo no balombwana muli basimakwebo. I busena butaanzi, tamu mvwisyi bulanganye. Ta mu mvwisyi bulanganye ku mulimo, nkaambo mulimo ncipego cakaitwa aa Leza.”

“Leza wakabikka mu Mbungano, lutaanzi baapostolo, basinsimi, bamaiyi, bavangeli, a beembezi.” Leza waka babikka muya ku kulondola Mbungano.

Basimakwebo beelede kupa bumboni. Banakazi, mukaintu wa mung’anda, takukwe makani na uli mubelesi musimbi mung’anda ya muntu umwi, kopa bumboni. Kocita zintu zyoonse nzo konzya ku Bwami, pele uta soli kunjizya mizeezo yako ini. Ko amba buyo eco Mulumbe ncoamba, a kuzumanana kweenda, mwabona, alimwi ndiza uli jisi koongelezya kumwi. Pele uta soli ku kambauka eno kusikila Leza, yebo ulizi, wa kwiita. Ko kkala buyo cakululama a ceeco, bulunguluzi bwako. Nkaambo, ikuti na tociti, uyo sweeka kunjila mu cilengwa ca cibeela, elyo mpawo uyo nyonganya zintu zyoonse. Nce cico. Nkabela tacibotezyi Leza, pe.

<sup>73</sup> Eci cila citondezya awa. Cindi mwaami oyu, eno, cindi naka tapatilwa a kwaambilwa Bwini ku mukutausi wa buyake, alimwi wakasola ku mwambila kuti wakali lubide, kuteeti Leza wakaita bantu ba mukowa wa Aaroni luzutu, nkabela bakasalazigwa ku mulimo oyo luzutu. Kwamana eco nco bakeelede kucita. Baka salazigwa nkambo ka eco. Elyo mwaami, takukwe makani obo mbwakali mululami, na obo kunji Leza mbwa kamulongezya, taa jacisi nguzu zya kuumpa kanunkilizyo. Wa kali kubweza busena bwa mupaizi, alimwi ta keelede kucicita. Elyo cindi naka tapatilwa, wa kanyema. Bukali bwakwe tukumuka. Elyo mpoonya buyo kuciindi bukali bwakwe nobwa tukumuka, cinsenda cakalibonya mu busyu bwakwe. Wa kafumukwa cinsenda. Elyo mpawo wa kalosya cakumwaisya, kazuza kuzwa mu buyake. Mwabona?

Kusola kulikozyanisya ku muntu umwi umbi, ta tweelede kucita obo.

<sup>74</sup> Mu bukali bwakwe, wa kalubizya, alimwi wa kaumwa. Oh, cakali ciiyo ncobeni ku musinsimi oyu mukubusyi, ku bona, eno,

takukwe makani obo muntu mbwakali mulemu, wa keelede ku kkalilila mu kwiitwa kwakwe.

<sup>75</sup> Ndi lizyi eci cili mukubikwa mu teepu, alimwi Ndi lizi ila inka koonse ku nyika, mulaale mu masaka mapati, a ba Hottentot, a zintu zyoonse zimbi. Oyu Mulumbe kuno, sunu masiku, uyo sandululwa mu misyobo, pele Nda amba eci a moyo wangu oonse. Mbobuti inga . . .

Bantu banji ka baamba, “Nkaambonzi ncota njili kabunga kamwi? Nkaambonzi totaliki kubeleka a ba Pentekoste? Nkaambonzi totaliki kubeleka a nkamu *eyi*? Nkaambonzi totuleki buyo tuntu otu tuniini kuyabuya?”

<sup>76</sup> Mbobuti mbo Ndi konzya kucicita? Nde elede ku kkala a Mulumbe oyo. Cindi, Angelo wa Mwami naka libonya kunselelo kuya ku mulonga, mu Mumuni oyo mbuli mbo mubona; alimwi kakuli Wa katondezegwa a mfulumende a masena oonse aambi, a sayansi, kubbutukizya makani aa sayansi, kuti Cili Bwini. Elyo Wa kandaambila ku kkala a Ijwi eeli. Mpawo mbobuti mbo Ndi konzya Ku sintanya a kansiyansiya? Ikuti bantu abo bali kubusena kuya ku kucita eco, aba cicite. Pele twa kaitilwa ku kambauka Ijwi. Kutali kulimvwanya. Koima aa Ijwi.

<sup>77</sup> Aboobo eno mula bona kaambo mbo cili cintu ca ntenda kusola kulimvwanya a kucita cintu cimwi cimbi, na kusola kuli sumpula muli lwako, a kwaamba, “Oh, Inga ndacita *eci* a kupanga mali manji. Inga nda cita *eci*, a bakwesu boonse bayo zuminana a ndime. Inga ndali mvwanya aa Ijwi eeli, alimwi, oh, peseenti ya makumi aali fuka afuka ya bakutausi babo bayo talika kubeleka kabotu, ‘Eco cili kabotu. Eco ncibotu.’” Ndi zyi eno. Bunji bwabo balaita. Ino niinzi? “Zinkwa a nswi,” kubona bantu baponesegwa, alimwi kutweluka, a nguzu zya Leza, a zimwi zimbi, kuyubunuka. Bala tola kuya, kubamba miswaangano, a kunjizya bantu mu i . . . mabungano abo a zintu. Pele cindi caboola ku kuzuminana aa Ijwi, bala sosoloka kuli Ndilyo. Mwabona?

Yebo tokonzyi kucita eco. Ko kkala a Ijwi.

<sup>78</sup> Lino, eci cakali ciyo ku musinsimi oyu mukubusyi, kuteeti, takukwe makani obo mbwa kasola kuba, uleelede ku kkala mu kwiitwa kwakwe. Oh, ma! Wa kaiya kuya—kuya, malailile aa Leza ku baalumi.

Malailile aa Leza ku baalumi nkuti, “Nku kkala mu busena bwabo.” Malailile aa Leza ku banakazi, “Nku kkala mu busena bwabo,” abalo. To konzyi ku bweza busena bwa mwaalumi. Ba sola ku cicita, pele mu ta ciciti. Baalumi, muta bwezi busena bwa banakazi. Muta sami mbuli banakazi. Alimwi banakazi, muta sami mbuli baalumi. I Bbaibbele li laamba kuti ncibi ku cita eco. I Bbaibbele li laamba, “I mwanakazi oyo uusama zikobela zya mwaalumi, mbusofwi ku busyu bwa Leza, i cisesemyo.” Mwabona? Pele eno tokonzyi kusola kwaandanya

umwi kuzwa kuli umbi. Mwabona? Lino mbobuti mboya kucita pele koompolola buyo ku cilwana? Mwabona? Ee, mpawo, cindi wacita eco. . .

<sup>79</sup> Sena mwa kabona kulailila kwa nkuta nsondo iino mu Indiana kuno? [Mbunga yaamba, “Iiyi.”—Mul.] Ino mause! Myaka iitasiki ku kumi ayosanwe yakainda, mukwasyi kuno mu Port Fulton. . . Ndi yeeya kuti mukwasyi umwi uli kkede awa sunu masiku. Kuno mu Port Fulton, ba katuma musimbi muniini kuya ku muunzi kuzwa ku cikolo nkambo ka kusama kabbutula ku cikolo. Elyo ku. . . Nsondo eeyi, bali mukusola kutola ku mulao a kuzwa ku cikolo, nkabela baka cicita, musimbi muniini oyo wa kakaka kusama kabbutula mu cikolo. Ino ndipenzi a cisi cesu? Nda kali kuyeeya kuti eyi yakali nyika ya lwaanguluko. Nda kali kuyeeya kuti twa kajisi nguzu, lwaanguluko lwa bukombi.

<sup>80</sup> Oyu wisi wakaima a kwamba, “Ci lwana lusyomo lwa bukombi bwesu ku bana besu ku sama tubbudula, ibana basimbi besu baniini, kkumi acisambomwe, myaka yakukomena iili kkumi aciloba, kusama tubbudula. Ci lwana lusyomo lwa bukombi bwesu.” Alimwi ba kamulesya, katanda mwana kuzwa ku cikolo.

<sup>81</sup> Nda mvwisya kuti bantu boonse abo bata kazumini a ku njila i. . . ku i—i kuzuminana kwa luswaanano olu ndo bali mukusola kupanga, ku bikka, kukamantanya mabungano oonse, nsangano ya mabungano; kuti, boonse abo taka njili a kukamantana anjiyo, bayo mubambila cooko ciniini. Bayo batuma ku Alaska. Inga akwalo mwali mbambila ku bube butontola, nkambo ciboneka kuti cili mukuboola. Aboobo, ino mause!

<sup>82</sup> Mweenzuma wa ciindi cilamfu mu buumi, Jim Poole, mwana wakwe uliimvwi kuno sunu masiku. Ndi lombozya kuti bawisi ni baboola a kucita eco mwana wabo ncaacita. Elyo twali kwaambula sunu ku mubandi wa telefooni, elyo wali kwaamba makani, Nda syoma, sikweendelezya makani aacitika mu kapepele, muntu umwi. Ta ndi yeeyi buyo na wakali ni eno. Pele, wakati, “Ca kali kunga—kunga bantu bana America bakali kusamba ciindi comwe mu mwiki a kukomba buzuba abuzuba. Elyo,” wakati, “eno bala samba mazuba oonse a kukomba ciindi comwe a mvwiki.” Nda syoma inga Nda sala ku tasamba aa mubili. Pele citondezya buyo nzila mbo tuwide! Ino ncinzi caka citika ku cisi eci?

<sup>83</sup> Kutandila myaka iili yosanwe yakinda, Nda kali mu Ohio, alimwi Nda kali kujisi muswaangano kutala kuya ku. . . [Muntu umwi waamba, “Chautauqua.”—Mul.] Ino ndi zina nzi lya busena oko nko Nda kaujisi ku busena kuya, aali eco? [“Chautauqua.”] Chautauqua. Elyo Nda kali kuswiilila ku makani aakuli

sikapepele mu hotelo. Elyo aa kati, “I maluba a lwaanguluko afwa iskati sunu, mu nkuta kuno mu Ohio.”

I bantu ba Amish, taba syomi muku tuma bana babo ku zikolo ezi zyaubuleya. Bali jisi zikolo zyabo. Alimwi mu masena aya aengelede oko nko twakabede, tee baka jisi cikolo cipati cili coonse. Ngu mulao wa Ohio a Indiana, Mbo ndi yeeya, mulao wa cisi, kuti boonse bana beelede kuya ku cikolo kusikila basika ku kumi acisambomwe. Alimwi oyu mwaalumi waka jisi bana banji, mulombe na musimbi, abo batakali naba kkumi acisambomwe. Nkabela bala kaka kubatuma ku zikolo zyaubuleya oko nko bayiia milao yakulilemeka iya Darwin, kuti, “Muntu wakazwa ku seelo lyomwe, kuba sokwe. Koonse mbwabede, sokwe buyo wa kalemununwa.” Elyo—elyo aboobo taba zuminani a ceeco, alimwi taba kalekeli bana babo ku cimvwa.

Elyo aboobo inkuta zya kabanjizya mukati. Elyo oyu mubetesi muniini musongo sikacasu wa kaamba kuli wisi abanyina baka ceembeede loko, kajisi kugelwa masusu aakwe kwabufuba, ka samide ovolosi. Wa kati, “Munene, eci cisi ca Ohio cili jisi mulao oyo waamba kuti mwana weelede kunoia cikolo mane waba kumi acisambomwe. Elyo” kati, “mwakaka kutuma bana banu. Ino mu vwiila nzi?”

<sup>84</sup> Wa kati, “Olemekwa munene, Nda lemeka milao ya cisi eci cibotu omo mo Ndili sicisi.” Wa kati, “Pele twa kaboola kuno, myaka yakainda, ba matata besu bakale, ku lwaanguluko lwa bukombi. Elyo nke kaambo nco tuli kuno, ku lwaanguluko lwa bukombi. Bukombi bwesu tuyiisya kuti ta tusyomi kuti twa kazwa ku banyama, kuba bantu. Kutu. . . Tula syoma kuti twa kalenga mu cinkoza ca Leza. Aboobo, ci lwana lusyomo lwa bukombi bwesu kuteeti tu tume bana besu ku cikolo eco ciyiisya boobo. Aboobo, ta tujisi cikolo cipati kuno cili coonse ca bana besu kuyoiya. Elyo takuli kuti nkaambo ta tukulemeki pe. Tula lemeka eco nco syoma. Pele, kuli ndiswe, ta tusyomi eco, alimwi ta tuci yandi ku yiisigwa ku bana besu.”

Wa kati, “Muyo tuma bana banu ku cikolo na yebo a mukaintu wako kuyo mana myaka yobile mu cisi ca ntolongo ya zigebenga.” Kati, “Ino muzeezo nzi wanu?”

Wa kati, “Baama a Ndime tuyo mana myaka yobile.” Elyo ba kanyona a kutalika kweenda kuzwa.

I mubetesi mudaala ku leelede kuti wakalimvwa kupengwa mulandu aniini, aboobo wa kati, “Amuyeeye, sena Bbaibbele lyanu ta lyaambi, ‘Amupe Kaisara ezyo zya Kaisara?’”

Elyo ba wisi waka nyona alimwi, nkabela wa kati, “‘Nkabela kakuli Leza . . .?’” Uh-huh. Uh-huh. Uh-huh.

I muntu wakali kuli sikapepele wakati, “Ee, nkokuti lwaanguluko . . .”

Elyo mubetesi wakati, “Nda kwaanga kwa myaka yobilo.”

Wa kati, “Nkokuti lwaanguluko, maluba aa lwaanguluko, afwa mu buyake bwa nkuta eyo, eeli isikati.”

<sup>85</sup> Nekubaboobo, ba Dunkard, na ba Amish, mubwini, takukwe makani mbo bali bagambya, bala syoma mu zintu zigamya. Alimwi kwiina bulunguluzi bomwe, kwiina busena mu United States, oko nko bakasola kuba a kusunda kwa bana bakubusyi. Taakwe muntu omwe, mwana omwe, kuzwa ku bukombi bwabo, bakasola kuba a kusunda kwa bana bakubusyi. Amu baleke kabali bagambya, kufumbwa cintu nco bayanda, bala bakomezwa kabotu. Ta ndibapi kaambo.

<sup>86</sup> Pele, amuswiilile. I maluba akafwa kuya, mpoonya awo. Pele, kutandila maminiti aali kkumi, aka syuuka alimwi. Simulao ulanganya milandu, boonse kuzwa kuli mbabo, bakajosya mabbuku abo, a kwaamba, “Mpawo swebo twaleka ncito yesu, nkambo, ikuti na wasusya nguzu ezyo zya mulao mupati, bayo isusya yoonse yasyaala.”

<sup>87</sup> Sena mwakabona buzuba bumwi cindi oyo bishopo mudaala musongo iwa Methodisti, eco nea kaamba kujatikizya eco, kaamba kuti mupailo, mu—mu—mu cikolo? Eyo tii yakali mbungano ya Methodisti. Oyo bishopo wakali musongo kweelede kuziba eco. Eyo yakali nkamu iimbi, kubona bulamfu obo mbo bakali kukonzya kusika, ku sungilizya mupailo uumwi mu—mu zikolo. Ikuti no bakazumizya aali oyo, inga noba kazumizya aali umbi cakufwambaana buyo mbuli mbo bakali kukonzya. Bali mukuvwentauzya tuzila toonse nto bakonzya. Muta pengi, bayo cijana.

<sup>88</sup> Aboobo, tu yanda ciingano. Tu yanda Kristo eno kuciindi no tukonzya. Muta oongelezegwi a bantu abo ndiza bakonzya kutuma misinza minji kunselelo. Muta oongelezegwi ku bantu bayo mupa muncini mubotu loko wa kweendela, na muunzi mubotu loko wa kukkala, a kusambala bupati bwanu, kuli Kristo. Muta ciciti pe. Amu lange eco nco mucita. Lyoonse amu tobele umwi oyo wa koongelezegwa a kutondezegwa aa Leza, awo mpo muziba kuti Leza uli ambabo. Muta tobeli koongelezwa kulubide. Iyi. Ncibotu.

Muta soli kubweza busena bwa uumbi.

<sup>89</sup> I cilengaano ku tempele, wa kabona, aa—aa Cuuno cabwami, Leza kasumpulidwe, Leza kasumpulidwe.

Lino, mwabona mwaami oyu, cakuti wa kabamba mukozyano kumbele lya Isaya. Elyo Isaya wa kabona kuti mwaami, mbwa kazwida buyo mu kwiitwa kwakwe, ee, Leza waka muumya cinsenda. Mpawo Isaya waka yeeya, “Ino Ndi cite nzi?” Uziya wa kafwa. Wa kayaama maningi ku zilwanyo zyakwe. Elyo wa kali kuyeeya kuti wakali sakene; ino nakacita nzi? Buumi mwini bwakali manide, kuli nguwe, kutandila. Aboobo ino musinsimi muniini wakacita nzi? Wa kabamba

lweendo lwakwe kuya kumselelo ku tempele, kuyo komba. Wa kavundama ku cipaililo, alimwi wa koompolola.

<sup>90</sup> Ziindi zimwi Leza ula lekela matomeno oonse kuzundwa ku bweendelezi bwesu. Ziindi zimwi Ula lekela bulwazi ku tuuma. Ula lekela kuusa, kucisa mitwe ku tuuma. Ziindi zimwi Ula cita eco ku mubamba kuba oko nko munga moongelezegwa a Makani mabotu. Amube basongo beelede ku Ci mvwa. Mutabi ziyanga bweelede ku Ci tantamuka. Uh-huh.

<sup>91</sup> Amuzibe. Isaya wakalizi kuti wa keelede kujana cintu cimwi candeene. Aboobo wakacita nzi? Wa kanka ku tempele. Wa kanyamuna maanza akwe mujulu, elyo wakalilila Leza. Nkabela wakanjila mu cilengaano. Nkabela mbwa kanjilila mu cilengaano, wa kabona Leza, kutali aa cuuno cabwami kumselelo kuno, pele kasumpulidwe, kujulu loko. Oh, ma! Malongwe aakwe akali ku Mu tobela. Kasumpulidwe mu Majulu, alimwi wa kabona, koonse akoonse, kwiinda mu tempele, ba Serafimu kaba uluka. Oh, ma!

*Serafimu*, caamba “basikutentelela,” ibbala Serafimu nco lyaamba. Uli, Ngu uli muni ku Cipaililo. Mu kasimpe, ba Serafimu mba bamwi Abo batambula cituuzyo, a kusalazya mukombi, elyo mpawo ku mutuula kuli Leza, Serafimu ncacita. Lino, aba ba Serafimu bakali Zilenge zya Baangelo. Alimwi Balimbe Bamwi bali muni loko kuli Leza, nkoonya ku Cipaililo, alimwi Bala tambula cituuzyo. Ci tondezya kululama kwa Leza, kuti cibi tacikonzyi kunjila mu Busyu Bwakwe cita kuti ca lungilwa. Mwabona?

<sup>92</sup> Elyo aba ba Serafimu, amuyeeye, mu makkalo aa mbungano zili ciloba, obo mbo Ba kwabilila alo Mabbuku aa makani mabotu, Umwi ku lubazu lumwi! Amuyeeye, twa ka Ba bweza kujoka ku muunda wa Edeni, kaba jisi Panga libekema bekema mulilo kabaimvwi kuya? Ba kali kukwabilila Cipaililo.

<sup>93</sup> Elyo Isaya, oyo musinsimi mupati, cindi naka njila mu Muuya, wa kabona, lutaanzi, Leza kakkede nzila eyo mu Majulu, aatala lya mwaami wanyika uuli oonse. Kaamba, “Nda bona Mwami, i Mwami, kakkede kujulu nkabela kasumpulidwe.” Mpawo wa kabona Mwami winiwini. “Elyo malongwe Aakwe akali ku Mu tobela.”

<sup>94</sup> Elyo wa kabona ba Serafimu ku buyake boonse. Ba kajisi mababa kaavumbide ku busyu Bwabo, mababa kaavumbide ku matende Aabo, alimwi Ba kali kuuluka a mababa obile. Nkabela Ba kali kulila, “Uusalala, uusalala, uusalala, Mwami Leza Singuzuyonse. Uusalala, uusalala, uusalala, Mwami Leza Singuzuyonse.” Ino i—ino i lwakali lwiimbo! Ino mbulile buloolola cakutobelana!

Yebo wati, “Kuleelede kuti bakali ku caamba mu buubauba loko, ‘Uusalala, uusalala, uussalala, Mwami Leza Singuzuyonse.’”

<sup>95</sup> Isaya wakati, “Cindi no Ba kaambaula, zikunguzyo zya buyake zyaka zungaana ku Jwi Lyabo.”

<sup>96</sup> Teeba kali kwaamba buyo, eno, “Uusalala, uusalala, uusalala.”

Oh, ino ndi Jwi! Elyo kati, “Elyo zikunguzyo zyakeenda a kuzungaana ku Jwi Lyabo.” Ba kali kukwiila. Ezyo Zilenge zya Baangelo ka ziimvwi muni ku lubazu lwa Leza, kukwiila, “Uusalala, uusalala, uusalala, ngu Mwami Leza Singuzuyonse.” Ino ncilengaano! Fyuu! Oh, ma!

<sup>97</sup> Amubone alimwi. Isaya, oyo wakali kuyaama ku zilwanyo zya Uziya, nkabela wa kamubona kafwa kuni lya lubeta lwa Leza; alimwi mpawo wa kabona Zilenge ezyo zisalala zyakali muni ku lubazu lwa Leza, ba Serafimu kabalila, “Uusalala, uusalala, uusalala, Mwami Leza Singuzuyonse.” Elyo Balo Baangelo basalala bakavumba busyu Bwabo. Baangelo Basalala kabavumbide masyu aasalala, aakati ka Leza uusalala. Mpawo swebo ndiswe bani?

<sup>98</sup> Lino, oh, nywebo noba Methodisti, aba Baptisti, aba Presbyteria, aba Pentekoste, ndiswe bani?

Cindi, Baangelo basalala bala sisa masyu Aabo aasalala kuni lya mababa, kuti baime mu Buusyu bwa Leza; cindi, Baangelo, Cilenge eco ciindilila ncobeni ku Baangelo. I Baangelo tabaimi kuya; cita ba Serafimu. Bala indilila Baangelo. Elyo Leza ula salala loko kusikila Bala vumba busyu Bwabo mu Buusyu bwa Leza uusalala. Alimwi cintu buyo nco Ba kali kukonzya kwaamba cakali, “Uusalala, uusalala, uusalala, ngu Mwami Leza Singuzuyonse.” Fyuu! I civumbyo cisalesale ca Mbabo, kuti baime mu Buusyu bwa Leza.

Ino tuyandika civumbyo cili buti? Ba kalelede ku vumbwa.

<sup>99</sup> Ndi yanda kwaamba eci mpoonya awa. I Bulowa wa Jesu Kristo buli jisi zyoonse ziyandika. Mwabona? Kristo taakwe na kafwida ba Serafimu. Peepe, peepe. Pele Ba kalengwa kabali Zilenge. Kwiina na kafwida Baangelo. Wa kafwida basizibi. Uh-huh. Kwiina na kafwida bantu basalala. Wa kafwida batasalali. Alimwi kufumbwa kuti koyeeya kuti ulasalala, kwiina Na kakucitila cibotu. Pele cindi waziba kuti toli cintu pe, mpawo Wa kafwida—Wa kafwida nduwe. Mwabona? Cindi waziba kuti toli cintu, mpawo Ngu. . . Yebo ndo nduwe Ngwa kafwida. Uhu! Leza ulasalala koonse. Kwiina cintu kuli Nguwe pele busalali, kwa mana, kunjoloma.

<sup>100</sup> Lino atubikkile maanu ku mababa aya, kwa maminiti masyoonto. Tu jana kuti mababa ayo obile Wa kavumbya busyu Bwakwe. Ma, amuyeeye! Abalo Baangelo basalala baka vumba masyu Aabo aasalala mu Buusyu bwa Leza uusalala. Alimwi cintu buyo nco Ba kali kukonzya kwaamba cakali, “Uusalala, uusalala, uusalala, ngu Mwami Leza Singuzuyonse. Uusalala, uusalala, uusalala, Mwami Leza Singuzuyonse.”

Elyo tula ambilwa kuti Ba lalila, isikai a masiku. Eyo nje ntaamo ntaanzi kuzwa kuli Leza, kuboola aansi. Isikati a masiku, kwiina kupumuna! Elyo muyeeya kuti tu panga coongo maningi. Ino muyeeya buti kujatikizya mamilioni a Baabo ba zungulikide Cuuno cabwami? A Jwi eelyo kali zungaanya zikunguzyo zya tempele, kakuli Omwe buyo wa Mbabo nguwa kalila, “Uusalala, uusalala, uusalala,” nywebo mulizi, Jwi Lyakwe lyaka zungaanya tempele. Kakuli, mamiliomi aa Mbabo kabalila ku zunguluka Cuuno cabwami ica Leza, “Uusalala, uusalala, uusalala, Mwami Leza Singuzuyonse. Uusalala, uusalala, uusalala, Mwami Leza Singuzuyonse!”

A mababa kavumbide masyu Aabo, mababa kavumbide matende Aabo, akali mababa; lulemeko, kulemeka. Oh, ma!

<sup>101</sup> Lino kwiina lulemeko na bulemu bwa cintu cili coonse kubandika busalali. Nywebo mwabandika busalali, mula itwa kuti babumbulusi basalala. Uh-huh. Kwiina lulemeko, taakwe bulemu akwalo kuli Leza, bantu Bakwe, na Ijwi Lyakwe. Lino, nko kuli nkamu eyi nkoiya kugolela?

<sup>102</sup> [Mukwesu Ben Bryant waamba, “Alaska.”—Mul.] Ndi yeeya kuti uli luleme, Ben. [Mbunga yaseka.] Yebo wauma mpikili aa mutwe eco ciindi, mulombe. [“Nda kulumba.”]

Iyi, eco citandila kululama. Nko kuli eyi nkamu iitakwe bulemu nkoiya kugolela mpawo? Nko kuli nkamu eyi iitakwe bulemu nkoiya kugolela, nce cico, mba baabo batakwe bulemu, pe, kuli Leza?

<sup>103</sup> Nywebo mulizi, ca kali kunga, ikuti na mwanakazi naa mwaalumi kaamba kuti bakali Banakriso, bantu baka cilemeka. Pele, sunu, ba yanda buyo kubona obo kunji kwa kufuubaazyana nko bakonzya kucita kuzwa kuli ncico. Mwabona? Mwabona? Nkamu iitakwe bulemu! Ma!

Nkaambonzi? Nywebo mulizi na? Aka nke kaambo. Taba twelukwi kuti Obo Mbwini. Taba twelukwi Leza. Taba yeeyeli kuti Bbaibbele li laamba, kuti, “I Baangelo ba Leza bali zyungulikide abo ba Mu yoowa.” Taba booli buyo luzutu a kuba swaya. Ba, Ba lasimpa Matente aabo. Ameni. “I Baangelo ba Leza bali zyungulukide abo ba yoowa Zina Lyakwe,” kkala kuya isikati a masiku.

I mukwesu uusiya mudaala wakaimba lwiimbo olo, *I Baangelo Bala Zumanana Ku Ndeembela*. Kati, “Isikati lyoonse, masiku oonse, Baangelo bala zumanana ku ndeembela.” Mbo mbubo. “Isikati lyoonse a masiku oonse, Baangelo bala zumanana ku ndeembela.”

<sup>104</sup> Jesu wakati, kujatikizya, “Balo bana baniini,” wakati, “amu cenjele kuti muta lebyi umwi wabo, nkambo Baangelo babo lyoonse bala langa busyu bwa Taata Wangu oyo uuli ku Julu.” Mwabona? Bali ba zyungulikide lyoonse, ka beembela mbabo.



<sup>105</sup> Elyo akwalo taba syomi eco, bantu batali banaleza. Tuyo sika awa, “I bunaleza a kutali bunaleza mbo bubede,” kuseeni, ikuti na Mwami wayanda. Lino amubone, taba syomi akwalo eco. Baka sweekelwa kulilemeka kabotu koonse, bulemu boonse, lulemeko loonse, alimwi kakuli bala unka ku cikombelo. Inkamu iitakwe bulemu loko eyo iiliko, ngu baabo baunka ku cikombelo. Mbo mbubo.

<sup>106</sup> Sikuuzya makoko mudaala kunzaacuulu na muntu wabuyunga kazabu selemuka mu kagwagwa, kaina koonse, alimwi kakoledwe aniini, waambaula kuli nguwe kujatikizya Mwami, uyoima a kwaambaula kuli nduwe.

Bamwi ba baabo basitulengwa, bategwa mbasyomi, ba simbungano, bayo seka nkoonya ku busyu bwako, nkaambo tozulilwi ku kabungwe kabo. Mbo mbubo. Cilimasimpe. Tabakwe bulemu. Uyeeya kuti welede ku zulilwa ku kabunga kabo kaniini kalisalulula na akwalo toponeni ku lubazu lwabo lwa mugwagwa. Mwabona? Ngu Bwini. Kubula bulemu!

<sup>107</sup> Lino, aba Baangelo, cindi no Ba kali mu Busyu bwa Leza, Ba kali . . .

Syoma kuti Davida wakati. Amuyeeye, twa kali jisi kuno, mazuba aa masiku masyoonto ainda, cindi ni Nda kali ku kambauka aa cintu cimwi. Elyo wa kati, Davida kati, “Nda bikka Mwami lyoonse kumbele lyangu, kutegwa Ndi ta zungaani. Alimwi kumbi,” wa kati, “mpawo, cindi Nda cita eco, mubili wangu uyo lyookeezya mu bulangilizi.” Iiyi, munene. “Nkaambo Ndi lizyi eco . . . Ta kasiyi buntu bwangu mu gehena, nekuba Ta kalekeli Umwi Wakwe Uusalala kubona kubola. Nkambo, Mwami lyoonse uli kumbele lyangu.”

<sup>108</sup> Kufumbwa ku busena nkoya, kobikka Leza. Ikuti na muntu waku nyemena aku kusinganya, kobikka Leza aakati ka nduwe a nguwe. Ikuti na mulombwana wakwiita kuti mubumbulusi uusalala, kobikka Leza aakati ka nduwe a nguwe. Ikuti na mukaintu wakunyemena, kobbika Leza. Ikuti na mulumi wanyema, kobikka Leza. Ikuti na bana bakunyonganya, kobikka Leza. Wabona? Kufumbwa cintu nco cita, kobikka Leza. Ikuti na taata a baama ba kuuma asyoonto aku kululamika, kobikka Leza, amu yeeye eco Leza nca kaamba kujatikizya eco. “Koiisya mwana aende mu nzila yeelede.” Wabona? Lyoonse koyeeya, kobikka Leza. Bikka Leza kumbele lyako, elyo uyooba a lulemeko kuli Leza a bulemu kuli Nguwe. Mbo mbubo.

<sup>109</sup> Lino amulange. Mababa obile, Wa kavumba busyu Bwakwe. Elyo mababa obile . . . Eco caamba lulemeko, lulemeko kumbele lya Leza, kukotama, kavumbidwe ku busyu Bwakwe.

Lino, ta—ta tukwe mababa aali oonse a ku vumbya masyu eesu. Tula kotamika mitwe yesu ku matende Aakwe; kukotamika mitwe yesu akukomba mu lulemeko, bulemu. Iiyi, munene. Ko Ci ziba.

Elyo mababa obile, Wa kavumba matende Aakwe. Matende Aakwe, kavumba matende Aakwe, akaiminina bubombe a bulemu.

<sup>110</sup> Mbuli Musa, Musa mu i—i kulemeka, kwa Leza kamwambila kuti wakali aa busena busalala, waka samununa mabbusu aakwe. Mwabona? Wa kacita cintu cimwi ku matende aakwe.

Paulo, mu kulemeka kuli Leza, lulemeko, cindi Angelo wa Mwami nakaboola kumbele lyakwe, oyo Musumpululu wa Mulilo, wa kawida aansu, ku busyu bwakwe. Kulemeka!

Johane Mubapatizi, wa kajisi kulemeka mbuli obo cindi na kabona Jesu kaboola, wa kati, “Ta ndeede akwalo ku guma matende Aakwe.” Mwabona? I matende, kutondezya bulemu. Mwabona?

<sup>111</sup> Oh, amube baziba! Nceeci cintu luzutu caku tweluka, kuceya kwanu. Ikuti na uyanda kusika ku busena bumwi a Leza, kolibamba lwako ncobeni kuba muniini.

Uta libambi lwako kuba mulemu mbuli Uziya. Wa kanjila mukati muya, alimwi wa kati, “Njo cita eci, akwalo. Naa Nda. . . Yebo to jisi mulimo waku ndaambila.” Mwabona?

Wa keelede kulibombya mwini. “Iiyi, balanda ba Kristo, mu ndijatile.” Na taka bweza cinsenda. Peepe. “Ndi lizi kuti mulimo wako. Leza wa kakwiita. Eyo nje ncito yako. Amu zumanane a kucicita, nobaalumi. Nda usa maningi.” Nata kacita, no kunga kwakali bulembo bwaandeene mu Bbuku eeli.

Pele cindi naka nyonwa, wa kanyema.

<sup>112</sup> Wa banyona bantu kujatikizya cintu cimwi, na ku baambila kujatikizya bulubuzi bwabo mbo bacita, bayoozwa mu cikombelo. Ta aka. . . Koya ku muntu umwi, koambila banakazi kuti ta beelede kuba a masusu mafwaafwi. “Ee, Njo unka kubusena bumwi oko nko bakonzya kuba a ngawo.”

<sup>113</sup> I mulindu wakaunka awa ciindi cimwi cainda. . . Nda katuma mukaintu wangu kunselelo. Twa kali mu muswaangano. Taa kajisi ciindi ca kusanzya masusu aakwe. Elyo waa. . . Nda ka mwaambila kuunka kuli umwi wabo kuya ku zintoolo zyakubambwa kuba kabotu a ku sanzya masusu aakwe. Waa kaunka okuya, eelyo mulindu oyo taakazi akwalo nzila ya kubamba masusu aakwe. Wa kazinga koonse aatala lya mutwe wakwe. Kaboola kuya, kati, “Ta ndina sanzya masusu aa muntu uuli oonse, ujisi masusu malamfu.” Aboobo, taakwe nco bakazi kujatikizya ngawo. Ta ndizi. Oh, ma! Mwabona?

<sup>114</sup> Ta bazyi makani aa ngawo oonse. Nkaambonzi? Ngu kambo ka cikambaukilo cikompeme oko nko bakali kweendelezegwa, mbubo, mbubo ncobeni, cikambaukilo eco cikompeme eco citaambi Bwini. Bala limvwanya a Mbubo. Mwabona? Ncibotu, inga no cakali cibotu ikuti mwaka Cimvwa. Elyo waambaula a umwi wabo, ba takata, a kunyema, a kwaamba, “Ta ndika

swiili limbi uulya mubumbulusi uusalala alimwi.” Mwabona? Ko zumanana, Uziya. Mbo mbubo.

115 Cinsenda, baa, Inga ndasala kuba a cinsenda, kufumbwa ciindi, kwiinda kuba a musyobo oyo wa cinsenda. Eco ngu cinsenda ca ku buntu. Mwabona? Cindi wanyamuka a kuzwa, uli ncobeni mpawo kufumukwa alimwi mu cinsenda, cibi, eco cili ncibi kwiinda cinsenda. Ngu cinsenda caku buntu.

116 Uziya antela wakeenda, “A koono a bamawisi,” Bbaibbele lya kaamba. Cili, wa kafutulwa, nkaambo wa kacita buyo cintu cimwi caka lubide. Pele cindi wa cicita, mukuziba kabotu, mpawo wayambukilwa, cinsenda caku buntu. Elyo mpawo kwiina nzila ya kuziba buntu bwa cinsenda. Nywebo mulizi eco.

Aboobo, mpawo, kolibamba lwako kuba muniini. Kolibombya lwako kumbele lya Leza. Koziba. Utali sumpuli koonse a kunyema. Kolingula Magwalo a kubona na cili luzi.

117 Nda kaambila muntu umwi, kutali ciindi cilamfu cainda. Ba kati, “Mukwesu Branham, Ndi mvwa kuti uli wa ‘Jesu Only.’”

Nda kati, “Yebo wakamvwa bulubide.” Mwabona? Nda kati, “Ta ndili wa Jesus Only.”

Kati, “Ee, yebo ulabapatizya mu Zina lya Jesu.”

118 Nda kati, “Eco tacindi bambi kuba wa Jesus Only.” Nda kati, “Njiisyo yaba Jesus Only, bala bapatizya, ‘ku kuzyalululwa.’ Ta ndi syomi muli eco.”

Ta ndi syomi, kufumbwa buyo wa bapatizya mu Zina lya Jesu, jatila—kujatila buntu bwako, cibi cako. Nda syoma Petro wa kaamba, “Amusanduke, lutaanzi,” amucenguluke. Mwa kaimpya mbaakani. Amu joke. Amusanduke, elyo mpawo mu tondezye ku nyika kuti mwakali obo, muku bapatizigwa. Nda syoma kuzya- . . . kuti . . .

Ta ndisyomi mu kuzyalululwa kuti ngu lubapatizyo lwa Muuya Uusalala. Ta luli lubapatizyo lwa Muuya Uusalala. Nku zyalululwa, alimwi. Tula zyalululwa kwiinda ku Bulowa. Seelo lya Bulowa izwa ku . . . Nda amba, seelo lya buumi lizwa ku Bulowa. Ula bapatizigwa, Muuya Uusalala, mu Mubili. Pele ula zyalwa ku Bulowa. Nincobeni. Ula zyalwa kwiinda ku bulowa bwa bauso. Nda kazyalululwa kwiinda ku Bulowa bwa Taata wangu, alimwi kwiinda kuli nduwe mwini, Taata wesu, Kristo. Iiyi, munene.

119 Pele, nywebo mwabona, ta tusyomi zintu eezyo. Nkaambo tula bapatizya mu Zina lya Jesu Kristo, ta citubambi kuba ba Jesus Only, pe. Peepe, munene.

120 Iiyi, munene. Musa wakali bombya mwini mu Buusyu, cindi na kamvwa Jwi eelyo lya Leza kali boola mbuli obo. Kati, “Kosamununa mabbusu aako.” Elyo Musa wakatambika aansi a kugwisya mabbusu aakwe. Mwabona? Mbo mbubo.

<sup>121</sup> Paulo, cindi ooyo Mumuni niwa kamuuma kuwida aansii. Wa kati, “Saulo, Saulo, ino undi penzenzyanzi Mebo?”

Kati, “Mwami, Nduweni Yebo?” Mpoonya aansii. “Ino Nguni?”

Kati, “Ndime Jesu.” Oyo wakali Musumpululu wa Mulilo, “Ndime Jesu. Nciyumu kuli nduwe kusansa cibinzyo.”

Kati, “Mwami, ino Ndi cite buti?” Wa kali libambilide.

<sup>122</sup> Johane Mubapatizi waka Mu bona kaboola. Umwi oyo wa bantu bapati maningi! Jesu wakati kwakanyina wakali muntu, wakazyalwa ku mwanakazi, mupati mbuli Johane. Eyo cindi Johane naka Mu bona, wa kaziba kuti wakali muniini loko. Wa kati, “Ta ndeedede ku samununa mabbusu Aakwe.” Amenii.

<sup>123</sup> Lyoonse amubone, muntu mupati ula libombya mwini. I nzila iya aatala nje iya aansii, lyoonse. Kolibamba lwako kuba muniini, nkabela Leza uyo kusumpula. “Oyo uuli sumpula oyotolwa aansii, pele oyo uuli bombya mwini uyo sumpulwa.” Oh, ma! Nda botelwa eco.

<sup>124</sup> Kolibamba lwako kuba muniini. Lyoonse koba muniini. Utabi dundumutule. Koba muntu muniini. Mwabona? Leza uli buyo Omwe, aakati kesu, oko nkokuba mupati, akwalo. Mbo mbubo.

<sup>125</sup> Yebo lyoonse ulaamba, “Ni mbungano iisalala. I bantu basalala.” Oh, peepe. Ngu Leza uusalala, mbo mbubo, alimwi mbungano iitalalali a bantu batasalali. Ncibotu. Taakwe cintu cili obo mbuli mbungano iisalala; ngu Leza uusalala mu mbungano. Kutali bantu basalala; ngu Muuya uusalala mu bantu. Mpawo, toli mukwaamba bantu; nco baamba, Muuya Uusalala oyo uuli mu bantu.

Amenii. Iiyi, munene. Eelyo ndi ijwi liluleme. Amenii. Eelyo Iya tonkomeka. Nda cimvwa eco cimwi. Iiyi, munene. Wa kabotelwa eco. Ndi lizi eco. Bulemu. Iiyi, munene. Ncibotu.

<sup>126</sup> Kolibamba kuba muniini. Wa kavumba busyu Bwakwe a obile, lulemeko. Wa kalibombya Mwini, kwiinda mu kulivumba matende Aakwe.

Lino, catatu, a obile Wa kaulusya. Wa kali bikka mwini mu mulimo a obile aawo. Wa kali lemeka kumbele Iya Leza. Wa kali bombede kumbele Iya Leza. Kutali obo buyo, Ta kakkala buyo kuya, pele Wa kalibikka Mwini mu mulimo. Kanana kwambaula zya Mbungano! Amenii. Kalibikka Mwini mu mulimo! Kufumbwa eco Nca kajisi, Wa kali libambilide kuunka ancico. Iiyi, munene. Cintu buyo Nca kakonzya kwaamba cakali, “Uusalala, uusalala, uusalala, ngu Mwami Leza Singuzuzoonse,” pele Wa kalibikka Mwini mu mulimo a ceeco. Mbo mbubo. Wa kanjila mu mulimo.

Eco ncecico Mbungano nciyandika sunu masiku, nku, lutaanzi, kuba babulemu; cintu cicilila, kuba babombe; mpawo kulinjizya lwako mu mulimo. Iiyi, munene.

<sup>127</sup> Wa katondezya musinsimi, cindi Na katondezya musinsimi nzila Mbwa kasimpikizya balanda Bakwe, nzila Mbwa kali kuyo cicita. Ino oyu Mulomwana wakacita nzi, oyo Angelo? Oyu musinsimi wakabona Jwi Lyakwe kali zungaanya zikunguzyo mu tempele cindi ni Ba koongolola, “Uusalala, uusalala, uusalala, Mwami Leza Singuzuyonse!” Nkabela buyake bwaka zungaana. Alimwi Ba koongolola alimwi, “Uusalala, uusalala, uusalala, Mwami Leza Singuzuyonse!” Elyo buyake bwaka zungaana.

<sup>128</sup> Isaya wakati, “Maawe kuli ndime!” I musinsimi, musinsimi waka simpikizigwa, wakazyalwa kali musinsimi, musinsimi mupati wa mu Bbaibbele, elyo wa kati, “Maawe kuli ndime, nkambo meso aangu abona bulemu bwa Leza.” Amulange ku musinsimi oyo mbwa kalibombya. I musinsimi, muntu oyo Ijwi Iya Leza nko lyaka boola, pele cindi na kabona cilengaano mu mulimo, wa kati, “Maawe kuli ndime, nkambo Ndi imvwi mumsi loko mane Nda bona Buusyu bwa Mwami.”

<sup>129</sup> Bantu besu ba America ya sunu inga ba cibona ka cicitika, a kweenda kuzwa a ku ciseka. Inzya. Mbo mbubo. Cindi, na kabona cilengaano caka yubununwa, cilengaano caka yubununwa. O Leza, kofwida luse ku nyika eyi mbyaabi!

<sup>130</sup> I cilengaano caka yubununwa! Wa kalila, “Maawe kuli ndime, nkambo Ndi muntu wa milomo iitasalali, alimwi Ndi kkala aakati ka bantu ba milomo iitasalala. Nda nyonyooka koonse. Kwiina cibotu kujatikizya ndime.”

<sup>131</sup> Ee, yebo waamba, “Aleleke Leza, Ndi zulilwa ku Presbyteria, Methodisti, Baptisti, ba Pentekoste! Ta ndeede kukkala a ku swiililla ku zintu zili boobo.” Ino ndwandaano nzi luliko! Ino ndwaandano!

<sup>132</sup> Amuyeeye, musinsimi oyu, kaitwa kuzwa ku kuzyalwa kwakwe, waka simpikizigwa, wakakanzwa ku mulimo wakwe, a kuyandaula Bwini, alimwi wakali antoomwe a mwaami. Wa kabona milimo ya Leza kaiyubununwa. Pele cindi cilengaano cakajulwa no caka boola, mu busena bwa kulisumpula, wa kati, “Maawe kuli ndime! Nda nyonyooka koonse. Nda patila nkambo ka ncico eno, nkaambo meso aangu abona bulemu bwa Leza.”

<sup>133</sup> Elyo inga twa bona bulemu bwa Leza, nkabela tuyo unka koonse, akwaamba, “I nkamu ya babumbulusi basalala, bantu basondokede.” Ta cigambyi nco tutakonzyi kuya ku busena buli boonse.

<sup>134</sup> Amuyeeye, Nda mwaambila, cindi ni Nda kaboola kunselelo kuno, kwaamba cintu cimwi eco ciyo gwasya bantu. Mwabona? Inzya. Tweeledede ku lemeka eco. Tweeledede kucipa zibeela zyoonse zya bulemu obo mbo tukonzya, cindi twa bona cilengaano

cakajulwa kuzwa kuli Leza kacaamba kulibonya, akuziba kuti cili Bwini.

<sup>135</sup> “Maawe kuli ndime,” kaamba Isaya. “Ndili mukuyaka awa sunu masiku,” na bwasunu, na kufumbwa cintu mbo cabede, “alimwi Nda bona bulemu bwa Leza. Nda bona Angelo kaamba, alimwi Nda bona cintu cimwi kaceenda. Elyo Nda kalungumana kuya, nkabela Nda bona Leza kayubunwidwe ncobeni awa. Maawe kuli ndime, nkaambo Ndi muntu wa milomo iitasalali, alimwi Ndi kkala aakati ka bantu batasalali.”

<sup>136</sup> Amulange eco cakacitika. Oh, ino Wa kacita nzi? Wa katondezya Isaya, musinsimi, kuti bantu beelede kuba balemekwa, beelede kuba babulemu mu Buusyu Bwakwe, babulemu a babombe, elyo mpawo kunjila mu mulimo. Mbo mbubo. Konjila cakubinda mu mulimo.

<sup>137</sup> Mbuli mwanakazi ku mukalo, cindi na kabona cintu cimwi ca cicitika, mukwesu, wa kajisi mababa obile. Waa kazwa, a ngawo, cakufwambaana ncobeni. Waa kazwa kuya, mukalo wa Jakobo, kuti akajane maanzi ayo aalatombe nge bakali ku kazwanganina. Pele cindi na kajana cakunywa kuzwa ku Kasensa ka Bumi, waa kanjila mu mulimo cakufwambaana.

Ta kaamba kuti, “Munene, kaka ndaambile oko Yebo nko ka jana lwiiyo Lwako? Nkokuli Nko ka jana zintu eezi? Mbobuti mbo kaciya Yebo?” Na, “Mbobuti Yebo mbo ziba kuti Nda kajisi baalumi bosanwe? Mbobuti Yebo mbo ziba obo cilubide kuli ndime? Mbobuti Yebo mbo ziba kuti Nda kali mwanakazi mu Samaria? Mbobuti Yebo mbo ziba zintu eezi?”

Kwiina na kabuzya. Waa kati, “Munene, Nda kuziba kuti Yebo uli Musinsimi. Tu lizyi cindi Mesiasi aboola, Uzo twaambila zintu ezi.” Oh, ma! Wa kaciziba kwiinda ku Lugwalo, nkabela waa kati, “Ndi lizi, cindi Mesiya aboola, Uyo twaambila zintu eezi.” Uhu!

Wa kati, “Nde Ndime.”

<sup>138</sup> Wa kanjila mu mulimo. Nkoonya kunselelo mu muunzi wa kaunka, canguzu mbuli mbwakali kukonzya kuunka. Kati, “Amuboole, mubone Muntu Oyo wa ndaambila zintu ezyo nze Nda kacita. Sa oyo engwe Mesiya?” Cindi na kabona Bwini, ta kasola kubweza bbola, pele waa kali masimpe ku Ci pa cimwi—cimwi, kulemeka kunji. Alimwi wakali masimpe ku Ci pa lugwasyo lunji. Nkaambo, wa kainka kunselelo mu dolopo, kwaamba, “Nywebo amuboole, mubone. Ikuti na tamu cisyomi, amuboole, akuunka a ndime.”

<sup>139</sup> Bulemu! Nda limvwa mbuli mubumbulusi uusalala sunu masiku. Iiyi, munene. Ma! Ikuti na eyo nje nzila njo mulimvwa, kuba mubumbulusi uusalala, a ndibe umwi. Iiyi, munene.

Ndi lizi Uli luzi. Ndi lizi Nkwali awa. Ndi lizi oyo nguwenya Mesiya. Ndi lizi oyo Leza nguwenya. Oyo Kristo nguwenya uli

kuno mu buyake obu, buniini bupya sunu masiku. Inga nda citondezya kuli ndinywe. Amenii.

<sup>140</sup> Amulange kuli Angelo oyo wa Mwami kaimvwi kuya mu kkona, nkoonya aatala lya mwaalumi uukkede *kuno*. Zina lyakwe ngu...Ngu mufundisi. Ba. Witt. Uzwa kutala mu Virginia. Ncibotu. Uuciswa kunyongana nsinga zya mizeezo. Ikuti na ulasyoma a moyo wako oonse, inga waunka ku muunzi a kuba kabotu. Sena ula cisyoma, munene? Ncibotu. Koya ku muunzi, ukabe kabotu. Kunyongana kwako kwa nsinga zya mizeezo kwamana.

<sup>141</sup> Kuya, ncibotu, uukkede nkoonya kuya, zina lyakwe ngu Morriah. Uzwa ku Illinois. Uujisi penzi lya muzindo. Ikuti na ula syoma eco, munene! Sena ula cisyoma? Ndi mweenzu kuli nduwe. Ikuti na ula syoma eco, ciyo kuleka. [Mukwesu Morriah waamba, “Nda cisyoma.”—Mul.] Aleluya!

Cindi ikkala lya Mulilo ne lyaka guma musinsimi,  
Ku munjolomya mbuli kunjoloma mbo kukonzeka kuba;  
Cindi Jwi lya Leza nelya kaamba, “Nguni utii twiinkila?”  
Mpawo wa kavwiila, “Mpaawa Mpendi. Ko ndituma.”

<sup>142</sup> Takukwe makani obo kupenzegwa mbo kubede, takukwe makani obo ciingano mbo cibede, “Ko ndituma, Mwami. Mpaawa Mpendi.” Takukwe makani obo mbobali banji ba kukakila, obo mbo cili cinji *eci, eco*, na *cimbi*, “Ko ndituma.”

<sup>143</sup> Ngu nguwenya Mesiya oyo. Uli ano ndyoonya eno. Nda Mu bona alimwi. Amenii.

<sup>144</sup> Ino ncinzi? Oyo mwanakazi waka njila mu mulimo. Waa kaba a mababa ayo a kutalika kuuluka. Waa kanjila mu mulimo cakufwambaana ncobeni.

<sup>145</sup> Cindi, muapostolo Petro, cindi na kasyoma Leza ku Ijwi Lyakwe, bumwi buzuba kubusena aa lwizi. Wa kazuba nswi masiku oonse nkabela kwiina nca kajata. Elyo Jesu wakasika kuli nguwe. Wa kati, “Ko waala kanyandi kako ku lubazu lumbi lwa bwaato.”

<sup>146</sup> Wa kati, “Mwami, Ndili muzeli. Ndi lizi cindi no zilida a cindi nozitalidi. Ndi lizizi mpo zibede a mpo zitako. Pele Nda zuba masiku oonse nkabela taakwe akwalo ni ndajata kaswi. Lino, ikuti Yebo waamba, ‘Ko waala *kuya*,’ Ndi lizi kwiina nswi kuya. Pele, ku Ijwi Lyako, Mwami, Nda unka akunika kanyandi.” Ino wakacita nzi? Wa kanjila mu mulimo. Amenii.

<sup>147</sup> Nceeci ciziba cizwide meenda. Ikuti na tona ku bapatizigwa mu Zina lya Jesu, ngu ciindi ca kunjila mu mulimo. Ikuti na uli simbungano buyo, nkabela tozi Leza ku lubapatizyo,

Muuya Uusalala, ngu ciindi ca kunjila mu mulimo. Ncibotu. Ko vumba busyu bwako, mu lulemeko. Ko vumba matende aako, mu bubombe, a kukotamika mazwi aako. Nkabela ko njila mu mulimo. Ikuti na tozi Leza, ko njila mu mulimo.

<sup>148</sup> Cindi muntu moofu, oyo waka tali kukonzya kubona, cindi Jesu na kambaula kuli nguwe, a kuswida mate aa bulongo a kubu bikka mu meso aakwe, a ku mujata kuti amuponye—amuponye. Cindi Na kacita, wa kanjila mu mulimo. Wa kamwaisya mpuwo Yakwe. Taakwe na kasola ku bweza bbola. Pele, mukwesu, wa kamwaisya mpuwo Yakwe kumaninina moonse mu zyooko zya keengelede. Ino wa kacita nzi? Wa kaba mu mulimo. Ciindi cimwi, muntu moofu wakaponesegwa.

Kati, “Oyo Muntu ngu sizibi. Yebo to Mu zi akwalo.”

<sup>149</sup> Wa kati, “Naa Ngu sizibi, na pe, Ta ndizi. Pele eci cintu kubone nce Ndi zyi, oko kwalo Nda kali moofu ciindi cimwi, Nda kubona eno.” Waka cita nzi? Wa kanjila mu mulimo.

<sup>150</sup> Eco ncecico mbungano ncoiyandika: ku njila mu mulimo. Tu jisi kunji kwa ciwa. Tu jisi kunji kwa bulemu bwa nyika. Tu yandika ku njila mu mulimo. Amenii.

Wa kamwaisya mpuwo Yakwe ku masi aambi, masena oonse.

<sup>151</sup> I bantu ku Pentekoste, tee bakazi kunji. Tee bakali kukonzya ku saina mazina abo eeni, bamwi babo. Ba kali kukanduka, nkabela ba kanjila mu ng’anda ya mujulu. Pele, buzuba bumwi, ino ba kacita nzi? Ba katanta kuya mu ku swiilila ku Ijwi Lyakwe. Ba ka bweza Ijwi Lyakwe.

Oh, ikuti bantu sunu ba bweza buyo Ijwi Lyakwe, mpawo bayo njila mu mulimo.

<sup>152</sup> “Amu lindile mu muunzi wa Jerusalema,” Luka 24:49. “Muyo tambula Muuya Uusalala kwaakumana oyu, cisyomezyo, kwaakumana oyu Muuya Uusalala kuboola aali ndinywe, nkabela muyooba ba kamboni Bangu,” Incito 1:8. Luka 24:49 kaamba, “Amubone, Nda tuma cisyomezyo ca Taata aali ndinywe, pele amu lindile ku muunzi wa Jerusalema kusikila muka zuzigwe a nguzu zizwa Kujulu.”

Kulampa buti? Oora lyomwe, maora obile, mazuba aali kkumi, myeezi yone, myeezi ili cisambomwe? Tii caka bamba lwaandano. “Kusikila.” Kulampa buti oko? Buyo kusikila. Cindi wa lomba Leza cintu cili coonse, kokkala mpoonya awo, kusikila. Amenii. Fyuu! Nda—Nda limvwa kabotu. Kokkala kusikila. Kusikila nzi? Mane cacitika. Ko citaminina. Ko cisyoma. Ko jatilila kuli ncico. Konjila mu mulimo. Kopa bumboni kujatikizya ncico. Bulemu! Iiyi. Kapa bumboni. Uta yoowi. Ko njila mu mulimo.

<sup>153</sup> Ba kali mu ng’anda ya mujulu. Iinzi? Kabalumbaizya a kulongezya Leza. Ku cintu nzi? I cisyomezyo. Ba kalizi kuti cakeelede kusika. Nceeco we. Ko njila mu mulimo.



Koya kolumbaizya Leza mane cisyomezyo cizulizigwa. Uli jisi cisyomezyo.

<sup>154</sup> Ikuti na wasyoma Leza kuti ulaponya, kokkala mu mulimo. Ikuti na ula Mu syoma kuti uyo kwiita eno, alimwi muli jatilide kuli Nguwe, kokkala mu mulimo. Ameni. Kokkala mu mulimo. Ujisi mababa obile, aboobo koabelesya. Kokkala mu mulimo. Kwaabamba ku babamuka koonse akoonse, “Mwami, Nda syoma. Mwami, Nda syoma.” Inga woongolola buyo, “Uusalala, uusalala, uusalala,” yebo weelede kwaamba, “Mwami, Nda syoma.” Kokkala mu mulimo. Ameni.

<sup>155</sup> Ba kakkala mu mulimo mane “kwa kasika kuunga kuzwa ku Julu mbuli guwo pati lyuungisya,” mpawo bakali mu mulimo ncobeni. Mpawo baka njila mu mulimo. Uh-huh.

<sup>156</sup> Mukwesu, mucizi, eco nco tubona kucitika mu mazuba aya aa mamanino ceelede ku tubikka mu mulimo. Ameni. Tweelede kuba mu mulimo. Obo mbobubo ncobeni.

Twa kkala koonse mbuli kuti cakali cintu cimwi . . . Elyo, ee, bantu bala kkala koonse, bantu ba Pentekoste. I Mwami uyo cita cintu cimwi. Ba lati, “Uhu! Eco cili kabotu loko.” Oh, ma! Ta ciboneki maningi mbuli Serafimu oyo uupona muni aa Leza. Uh-huh. Mbo mbubo.

<sup>157</sup> I mutumwa, oyo awalo uuli muni maningi kuli Leza, ulaba mwana Wakwe, kwiindilila cipaililo ca mukuba. I Serafimu uujanika aa cipaililo ca mukuba. Pele yebo, mbuli mwana mulombe amusimbi, ula njila moonya mu Buusyu bwa Leza. Yebo toelede kwiinda mu mupaizi uuli oonse a zintu ezi zyoone. Ngu Mupaizi wako. Mwabona? Moonya muya mu Buusyu Bwakwe, mbuli bana balombe a basimbi. Mukwesu, Nda syoma tu jisi kunji kwiinda mababa obile. Ameni. Tu jisi Muuya Uusalala. Mbo mbubo.

<sup>158</sup> Pele tweelede kuba mu mulimo a lulemeko a bubombe. Kutali mu mulimo kusola kweenzya cintu cimwi mu muntu uumwi, pele a lulemeko a bubombe loko, kuti nga twakonzya ku njila mu mulimo, kwaamba, “Maawe kuli ndiswe! Twa bona Buusyu bwa Singuzuyonse. Twa bona cilengaano kucitika, buyo eco Nca kaamba, ‘I milimo eyo Nje cita, muyo icita ayalo. Minji kwiinda eyi muyo cita, nkambo Nda inka kuli Taata Wangu.”

<sup>159</sup> Twa bona kunji kucitika kwiinda kwa kasolwa ku lembwa. Elyo, baa, twa kabona kunji kucitika mu muswaangano omwe, a zyalo zintu, kwiinda kwa kalembwa mu Bbaibbele. Mbubo. Banji mu muswaangano omwe kwiinda kwa kalembwa mu myaka iili makumi otatwe ayotatwe a cisela ca buumi Bwakwe. Mbo mbubo. Amu ciyeeye. Twa kacibona a meso eesu. Twa kacibona kucitika. Twa kacibona kacaambwa kuyooba, kucitika, amu cilangilile. Balema, boofu, basunkuta, bapuuide! Zintu zya kaambwa kuyooba, ezyo zicitika a ciindi ceelede,

taakwe nozyaka kakilwa. Mukwesu, eco ceelede ku tubikka mu mulimo a bubombe a lulemeko.

<sup>160</sup> Kuzwa nkoonya kaindi kulaale kuya mu ziindi zya Bbaibbele, cindi Musumpululu wa Mulilo nowaka lengelela aatala Iya Israyeli, nkabela Wa kaba mu mubili wabuntu a kukkala aakati kesu. “Nda kazwa kwa Leza alimwi ndijoka kuli Leza.”

Musalali Paulo waka Ubona nkabela wakawida ku busyu bwakwe. I mwiiyi mupati mbuli Paulo, wakayiisigwa kungsi Iya Gamaliyeli, wakabumbuluka mu lusuko akulila, “Mwami, Mwami, Yebo Nduweni? Ndili libambilide kuunka.” I muntu mupati, oyo mbwakabede, sicikolo mupati, nkabela wa kalibombya nkaambo wa kabona Musumpulu wa Mulilo.

<sup>161</sup> Kutali buyo kuti tula Ubona a meso eesu, kaweenda aakati kesu, pele tuli Ujisi akwalo mu makani aa sayansi. Eco ceelede ku tubikka mu mulimo. Tula Ubona kuucita zintu nzizyonya Nzo wakacita kaindi kuya. Uci cita sunu, cisyomezyo ca Taata. Ma! Ino ncenzi? Ca kaboola kusimpikizya Ijwi, ku tondezya Ijwi kuti lili boobu. Eco ceelede kubikka Mbungano mu mulimo. Sena tamu yeeyi obo? [Mbunga yaamba, “Ameni.”—Mul.]

<sup>162</sup> A obile Wa kavumba busyu Bwakwe, mu lulemeko. Obile Wa kavumba matende Aakwe, bubombe. Elyo a obile Wa katalika ku beleka. Mpawo Wa kaunka, kucibikka mu mulimo.

<sup>163</sup> Lino tweelede kuba mu mulimo, mu bulemu ku Ijwi. Tweelede kuti ka twaambila bantu.

<sup>164</sup> Zitondezyo zya Kuboola Kwakwe zila libonya, masena oonse, tula cibona kacitondezegwa loko mu Ijwi. Tula mvwa Muuya Uusalala kauboola, ku twaambila zintu zimwi zili afwaafwi kucitika.

<sup>165</sup> Myaka iili makumi obile yakainda, nkoonya kuzwa ku buyake obu mbubonya, Wa kaamba kuletwa kwa Muleli Kennedy. Wa kaamba mbubonya eco ca keelede kucitika, kuti banakazi a zimwi zimbi bayo njizya mulombwana oyu, alimwi a mbubonya buyo eco ca keelede kucitika. Alimwi tuli cizi ku ciindi coonse, alimwi ca kaambwa mbubonya buyo obo mbo ca keelede kucitika. Elyo nceeci mbocibede sunu. Elyo ngooyo muswaangano uboola kuba, nsangano ya mbungano, nkabela boonse baboola antoomwe. Baa, ceelede ku tubikka mu mulimo! Mbo mbubo. Uh-huh.

<sup>166</sup> Ijwi ku ijwi, mbuli Mbwa kaamba, lyazulila ncobeni kwiinda kuli ndiswe. Ceelede kutubikka mu mulimo.

<sup>167</sup> Mbuli musinsimi, wa bona cakatobela, na kuboola afwaafwi kwa kukwempwa; mulimo wakukaka, kulisumpula kwa tubungwe, twa swekelwa masena ato.

<sup>168</sup> Mbuli Isaya wakaima kuya, wa kali i—i muntu wakabungwe, ku matalikilo. Wa kayeeme ku mwaami nkaambo wa kali muntu

mubotu, pele wa kamubona mu kulisumpula kwini nko kwaka mucitila. Kwa kamujoya, kwa lyoonse.

Elyo tula bona oko kulisumpula kwa kabungwe keni nco kwacita ku mbungano. Kwa kabweza iitegwa ni mbungano ya kabungwe kuzwa ku mubalo wa lyoonse. Mundaambile cindi comwe kakasola kubuka nikakamana kuwa. Kali kuli? Amulange kaindi kwiinda mu makani aakale a kubona mbungano iili yoonse eyo yakasola kuwa. Mbo kakabede kabungwe, ya kawa, alimwi kwiina neyaka joka alimwi.

<sup>169</sup> Uziya kwiina naka joka ku tempele alimwi. Wa kali sicinsenda, mazuba aakwe aakasyaala; alimwi wa kazikkwa, kali sicinsenda. Iiyi, munene. Lino, musinsimi wakabona eco nco cakacita. Wa kabona eco, oko kulisumpula nko kwakacita.

“Inzi? Swebo, tuli, tandila koonse... Taakwe muntu uukonzya kunjila mu kabungwe kesu cita catola i—i musunko kumbele lya musilisi wa zya mizeezo, ku bona ikuti IQ yakwe iili kabotu, na pe. We elede kuti kajisi D.D.D., Ph.D. katana akwalo kusika, kwaambaula kuli ndiswe. Inkamu zyesu zyeendelezya tazika muzuminini, ikuti na tajisi.” Oh, ma. “I bantu babotu—babotu loko mu cisi bala boola. Amulange myootokala eyo iikkala koonse ku masena eesu. Kuli ma Cadillac ama Rickenbacker, a zimwi zimbi.”

<sup>170</sup> Twa kabona cintu eco kacifwa. Twa kacibona kacifwide. Elyo cintu coonse caba cazwide kweelelezya, zilonda zya kugwasilizya, zilonda ziasama, mubwini, mbuli Bbaibbele mbo li ciita. Ngu zilonda koonse, kumaninina. Cila nunka. Mbo mbubo. Kwaamba kumuuya, Ndili muku caamba. Mwabona? Uh-huh.

<sup>171</sup> Twa kaba bona kaba swekelwa kujatilila a matomeno aabo, aa Ijwi lya Leza, alimwi kusumpula tunsiyansiya. Ino twa kabona nzi kacicita? Kuumwa a cinsenda, kutasyoma. Huh. Ma, oh, ma!

Mbuli Uziya, wakasola kubweza busena bwa munanike Wakwe, ibwa mulimo uunanikidwe, nakamana kuumwa, nkabela wa kajana kuti waka cikakilwa.

Elyo twa kabona mabungano aya kaasola kubweza busena bwa mulimo uunanikidwe, ku kambauka Ijwi lya Leza, a kuba banyongene a Ndilyo. Ta bazi eco cakucita. Kobikka Ijwi kumbele lyabo, ta bazi eco cakucita. Kwa mana, “Tula syoma Eco cakali ca buzuba bumbi.” Ino ncinzi? Bali nyongene. Mbobuti mbo konzya kujata mulimo wa munanike iwa Leza a kukaka Ijwi Lyakwe linanikidwe eelyo lili Ngo nguwe mu ciimo ca Ijwi? Mbobuti mbo konzya kukaka Ijwi kuti lililuleme, alimwi kucaamba kuti uli nanikidwe a Muuya?

<sup>172</sup> I cintu buyo ciyo yubununa Ijwi lya Leza ngu Muuya Uusalala Mwini. “Cindi Walo, Muuya Uusalala wa kuboola, Uyo bweza zintu eezi Zyangu a ku mutondezya.” Ncibotu.

Mbobuti mbo konzya kubweza busena bwa mulimo uunanikidwe nkabela kocizulilwa ku kansiyansiya na kabungwe? Bali fwide. I cintu ca kucita nkuwida aansa a koompolola, “Mwami Leza, Ndili muntu wa milomi iitasalali.” Iiyi, munene.

<sup>173</sup> Twalo tubungwe tusola kubweza busena bwa Mbungano iisalala. “Tula syoma muli Leza Taata Singuzuyonse, Cilenga wa majulu a nyika, alimwi Jesu Kristo Mwana Wakwe. Tula syoma mu mbungano iisalala ya Katolika yabana Roma a zintu zyoonse ezi zyandeene. Tula syoma mu mulalilo wa basalali.”

<sup>174</sup> Nda syoma mu mulalilo wa Kristo. Iiyi, munene. Nda syoma basalali bali mu Bulemu. Masimpe. Pele Nda syoma tu jisi Sikwiima akati omwe aakati ka Leza a bantu. Iiyi, munene. Kopokonona cintu eco? Awa, Bbaibbele li lakazy eco.

Ba lati, “Ee, eelyo ndi Bbaibbele.”

Oyo ngu Leza. “I Ijwi wakali Leza. Alimwi Ijwi lyakaba mu mubili wabuntu, a ku kkala aakati kesu.” Lino Ijwi lili mu mubili wesu, kali libamba Lwalyo kuyubunuka, nanikidwe a Muuya Uusalala. Nciindi ca kunjila mu mulimo! Mbo mbubo.

<sup>175</sup> I nguzu zya cilengaano ku musinsimi, oh, ma, zya kamupa ku lyambilila kuti wakali sizibi. Musinsimi uunanikidwe, wa kati, “Ndili muntu wa milomo iitasalali. Ndili lubide. Nda ka bisya. Ndili uutasalali, lwangu.” Wa kali sizibi. Wa ka lyambilila cibi cakwe. Iiyi, munene. Cakapa musinsimi wa Leza ku lyambilila kuti wakali sizibi, eco ncecico cilengaano nco cakacita.

Amwi ma D.D.D., Ph.D. ayo Ci seka, ceelede kuba kabunga kamwi kazyuuno zipati ika mbungano imwi.

<sup>176</sup> Mwakamvwa eco kardinolo nca kaamba, ayo makani aa sikapepele sunu? Wa kati, “Kuli bamwii abo bayisiya kuti kujoka kwa Mwami kuli afwaafwi kuboola.” Kwaamba, “Mu bwini, tweelede kulesya nkamu eyo. Tu yanda i—i bukombi bwimininwa mu nkamu ya nyika.” Mbubonya buyo.

<sup>177</sup> Nywebo no bantu, muta fukuli eno. I cintu cili mumsi loko kwiinda mbo muyeeya. Oyu mulombwana ngo utandila kuba umwi oyo “uuta zii Josefa,” nywebo mulizi. Alimwi, amulange, cilaboola mukati mu lweeno mbuli mbo cikonzya kuba. Ba jisi matomeno mpoonya awa, kuti busena bwa mamanino, oko, “Bala panga cikozyano kuli ncico,” kwiinda mu kubweza nsangano ya zikombelo a kucibamba kwaamba mbubonya mbuli cinyama nco cakacita, nkabela cakapa nguzu zya kupenzya bantu boonse banaleza, alimwi ciyo cinca ziindi a milawo ya Leza. Mbubonya buyo eco Nce cakaamba. Mwabona?

Tula sika kuli eco, kwamana. Camana kale ciindi, sunu masiku. Pele tuyo. . . Nywebo muli cizi, nekuba. Iiyi, munene.

Ca kamupa, ka mupa, ku lyambilila mwini kuba sizibi.

178 Ino inga waamba nzi? Baa, ikuti nikwali kutegwa isunu, inga baamba, “Ee, Ndime Mwiiyi *Nini-a-niini*.”

Nda kamvwa bishopo kaamba, “Cindi Nda kusika ku Julu, sa muliziyi eco Nce ndiyoy cita?” Kati, “Ndi younka—younka kuli Jesu a kwaamba, ‘Sena ulizi kuti Ndimeni? Ndime Bishopo *Nini-a-niini*.’ Wa kati, ‘Iiyi, Nda kamvwa baama Bangu kabaamba zya nduwe.’” Kati, “Bantu abo basyoma Bbaibbele, cili mbuli kucovwaila mu maanzi aantimba, yebo tozi oko nkoya.” Uta soli kuyeeya eco.

179 Ngu Mweeziy wangu. Njo kambauka aali eco, juunza masiku. Uh-huh. Iiyi, munene. Uyo mweenzya kwiinda mu maanzi oonse aa ntimba ayo aeledede kwiindwa, zilwi zyoonse zya misenga mu meenda, oonse masena malamfu a masena aali aansi, kufumbwa cintu mbocibede.

Uyo ndeenzya kuzabuka mulonga wa lufu. Ameni. Oh, iiyi, munene, Uyo eenzya. “Cindi lufu lwa boola, Nse kayoowi bubi, nkambo Uli a ndime. Inzya, nekuba kuti Nde enda kwiinda ku kkuti, cimvule ca lufu, Nse yoowi bubi. Yebo nkoli kuya.” Mwabona?

180 “Ikuti na Nda bamba bulo bwangu mu gehena,” Davida wa kaamba, “ngooyo Mpali.” Ameni. “Oh, ikuti na Nda uluka cifumo, kuuluka kuzwa, ngooyo Mpali. Uli kumbele lyangu lyoonse, aboobo Nse kazunganisigwi.” Ameni. Oh, ma! Kubweza alo mababa a kunjila mu mulimo eno. Iiyi, munene.

181 Oyu musinsimi waka njila mu mulimo cakufwambana, awalo. Wa kafugama ku matende aakwe. Alimwi wa kati, “Ndili muntu wa milomo iitasalali.” Mpawo, mbwa ka lyambilila buyo, mpawo kwa kaboola kusalazigwa. We elede ku lyambilila, lutaanzi. Uh-huh.

182 Ndi yanda kuti mubone. Cindi, oyu musinsimi, amu ciyeeye, i—i muntu waka zundana a mfulumende mpati, musinsimi waka simpikizigwa! Alimwi mbwa kabonena buyo eco cilengaano citaanzi! Taakwe na kabona cilengaano, limbi pe. Wa kajisi bwandeene. Wa kalimvwa kusololelwa kwa Leza alimwi wakeenda mbuli Ijwi. Pele ciindi eci cakali cilengaano cakajulwa, nkabela wa kakwiila, “Ndili muntu wa milomo iitasalali, nkabela bantu boonse tabasalali. Maawe kuli ndime, nkaambo Nda bona bulemu bwa Leza bwatondezegwa.”

Elyo tu cilanga buyo. Tweelede kuuluka kuzwa. Mwabona? Mwabona?

183 “Ndili muntu wa milomo iitasalali.” Wa kaselemukila ku cipaililo, nkabela wa kati, “Ndili muntu wa milomo iitasalali, Mwami. Ino inga Nda citanzi? Ino inga Nda cita nzi, nkambo Nda Ku bona wayubununwa mpoonya awa? Nda bona Angelo kazungaanya cintu. Nda mubona kaamba, alimwi cintu cimwi cajoka kuya kulaale.” Ameni.

Nda syoma ta mooni. Oh, ma! Koamba, nkabela cintu cimwi cakacitika. Bulemu!

<sup>184</sup> Ncinzi cakacitika? Mpawo tujana kuti, waka lyambilila cibi cakwe. Elyo mbwa kacicitila buyo, eeli Jwi pati lyakali kaambaula, lyakaulukila aansii. Kabweza maanza Aakwe, kabweza tumano, kabweza ikkala, ka libikka mu janza Lyakwe. Kobooola, kalibikka aa milomo ya Isaya, a kumu salazya.

<sup>185</sup> Amubone, kwiina Na kamutuma kuyo jana Ph.D. digrii. Taakwe na kamupa bbuku zya milawo ya kwiiya. Pele Walo, Leza, wakali kutondezya musinsimi kuti nguzu Zyakwe zyakusalazya zyakali kwiinda ku Mulilo uuzwa ku cipaililo. Amenii.

Nguzu zya Leza zya kusalazya sunu takuli kuloolola kansiyansiya na kunjila cikombelo. Ni nguzu zya Muuya Uusalala a Mulilo oyo uuseluka a a kusalazya muntu kuzwa ku kutasyoma kwakwe koonse. Amenii.

<sup>186</sup> Inzila ya Leza ya kusalazya musinsimi nkwiinda ku Mulilo, kutali kansiyansiya. Ino inga musinsimi waziba nzi zya kansiyansiya? Uyo belessegwa aa Leza. I Ijwi lya keelede kuyoooba mu mubili kwiinda muli nguwe. Aboobo Ta kamupa kansiyansiya, nekunga naka kujatilila ku kansiyansiya ako. Aboobo Wa kabweza Mulilo kuzwa ku cipaililo a kusalazya musinsimi.

<sup>187</sup> Kulyambilila, kusaanguna, mpawo ciimo cabusalali kwiinda ku Mulilo. Bulemu kuli Leza! Oh, amulange! Kulyambilila, kusaanguna; kusalazya, cabili; kutumwa, catatu. Amenii. Nceeco we. Kusaanguna, kulyaamba, “Ndili lubide.” Cabili, kusalazya. Kululamikwa, kusalazigwa, a lubapatizyo lwa Muuya Uusalala. Iiyi, munene. Kulyambilila; kusalazya; kutuma. “Kamuya nywebo ku nyika yoonse a kukambauka Makani mabotu. Ezi zitondezyo ziyo batobela abo basyoma.” Amenii.

<sup>188</sup> Kumane kulyambilila kwaka boola kusalazya. Kumane kusalazigwa kwaboola kutumwa. Amu kambauke Makani mabotu, muponye baciswa, takukwe makani eco bantu neo baamba.

<sup>189</sup> Walo kumalekelo, oyu musinsimi muniini uuyandwa, wakafwa kunyi lya kupenzegwa, kwiinda muku zapaulwa a saha. Huh!

<sup>190</sup> Amuyeeye, wakali Isaya cindi nakabamba kulyambilila kwakwe kuti wakali lubide. Wa kali lubide cakumaninina. Wa kali kuyeeme ku kansiyansiya kakwe, mwabona, kuyaama ku—ku muntu, makani aakabambwa aa bantu. Wa kabona mwaami kuti wa kali muntu mulemu. Wa kali muntu mukombi, pele wa kabona kuti bantu boonse bayoowa. Mwabona? Pele cindi na kacinca eco, a kulanga kutala kuya a kubona cilengaano, Obo Leza mbwakabede, mpawo wa kati, “Ndi yanda kwaamba. Ndili lubide. Twalo tunsiyansiya twa kaindi tatuka beleki

limbi, nkaambo twa kafwa a kukakilwa. Mwabona? Ba kaumwa cinsenda. Pele Nda kabona bulemu bwa Leza kabu tondezegwa.”

I kansiyansiya taka konzyi kutondezya eco. I kansiyansiya taka konzyi ku caamba mu nzila eyo. I kansiyansiya taka konzyi kucicita nzila eyo. Ci tola Kristo ku cicita nzila eyo.

Alimwi mbwa kabonena eco buyo, wa kati, “Lino, Nda kali lubide kumaninina, Mwami.” Elyo mpawo kwaka boola kusalazya. Mpawo kwaka boola kutumwa. Oh, ma!

<sup>191</sup> Eelyo nde ndilyo na kasalazya Isaya . . . cindi Leza nakati, “Nguni uyo Ndi inkila?”

Elyo wa kali Isaya wa kati, “Mwami, mpaawa Mpendi. Ko ndituma.” I musinsimi waka salazigwa!

<sup>192</sup> Oh, sena tamuboni, koongelezya? Muta bwezi koongelezya kwa Marthella. Nda syoma eelyo taliko zina mukati muno. Muta bwezi mazina a—a, na, koongelezya kwa musimbi umwi muniini oyo uunka a nduwe ku cikolo cipati, na cikolo cizizilwe, na simukobo uukkala mu ng’anda iili munsu oyo uugela masusu aakwe a kusama tubbudula. Muta bwezi koongelezya oko. Muta bwezi koongelezya kwa mweembeli umwi watunsiyansiya oyo uunga wakaka Ijwi Iya Leza a ku kupa kansiyansiya. Muta bwezi koongelezya oko.

Pele amwiime kuya mane mu kabone bulemu bwa Leza bwawa, kubona cintu cimwi ceenzegwa ku nguzu zya ncico, ku cibona kucitika mu nzila njiyonya eyo Leza nja ka caamba. Mpawo koompolola, “Maawe kuli ndime, Mwami. Ndali mubulubizi. Ko ndisalazya eno, Mwami. Ko ndisalazya. Muuya wa Leza muumi, kondi wida cabupya.”

Cindi ikkala Iya Mulilo ne Iyaka guma musinsimi,  
 Ku munjolomya mbuli kunjoloma mbo kukonzeka kuba,  
 Cindi Jwi Iya Leza nelya kaamba, “Nguni utii twiinkile?”  
 Mpawo wa kavwiila, “Simalela, mpaawa Mpendi. Ko ndituma.”

Wa kali libambilide. Wa kabona cintu cimwi. Iiyi, munene.

Bali mamilioni eno mu cibi a mause bali mukufwa;  
 Koswiilila ku kuusa a koomoka kwabo kupati;  
 Kobinda, mukwesu, kobinda ku kuvunwa kwabo;  
 Cakufwaambana koingula, “Simalela, mpaawa Mpendi.”

<sup>193</sup> Cintu cimwi ceelede kucitwa. Cainda kale obo mbo tu ciyeeyela kuba. Akube kuti cilengaano ca Leza coongelezye bantu maningi, kuti bakonzye kubona kuti Leza nguonya wakali

mu tempele a Isaya kuti ngu Leza nguwenya mu busena Bwakwe busalala sunu. Uli mu busena busalala bwa Muuya Uusalala. Ngu Muuya Uusalala. Wa kali mu mubili ciindi cimwi. Lino Ngu Muuya, kawenda aakati ka bantu Bakwe, ku Li tondezya kali muumi; kutali kansiyansiya kafwide, pele Kristo uupona, mbobuca nguwenya, sunu, amuya myaaka. Oh, Isaya, cakufwaambana koingula, “Simalela, mpaawa, kondi tuma.”

<sup>194</sup> Atu kombe a mitwe yesu kiikoteme.

Cindi ikkala lya Mulilo ne lyaka guma musinsimi,  
 Ku munjolomya mbuli kunjoloma mbo kukonzeka kuba;  
 Cindi Jwi lya Leza nelya kaamba, “Nguni utii twiinkile?”  
 Mpawo wa kavwiila, “Mpaawa Mpendi. Ko ndituma.”

Antoomwe:

Koamba, Mwami wangu. Koamba, Mwami wangu.  
 Koamba, nkabela Njo Ku vwiila cakufwambaana.  
 Koamba, Mwami wangu. Koamba, Mwami wangu.  
 Koamba, nkabela Njo vwiila, “Mwami, ko ndituma.”

<sup>195</sup> Lino, inga waba simukobo nyokwe. Inga waba mwanakazi ngo beleka limwi, mwaalumi oyu ngo beleka limwi. Pele bali . . .

Bali mamilioni eno mu cibi a mause bali mukufwa, mu tunsiyansiya a tubungwe;  
 Oh, koswiilila ku kuusa a kulila kwabo kupati;  
 Kobinda, mukwesu, kobinda ku kuvunwa kwabo;  
 Cakufwaambana koingula, “Simalela, mpaawa Mpendi.”

Koamba, Mwami wangu. Koamba . . .

“Nda kabona cilengaano kuzwa ku Mwami. Nda cibona kucitika.”

. . .nkabela Njo fwambaana kwii- . . .

Wa mbaula kale eno.

Koamba, Mwami wangu. Koamba, Mwami wangu.  
 Koamba, nkabela Njo vwiila, “Mwami, ko ndituma.”

<sup>196</sup> Lino, amitwe yanu kiikoteme, Nda yeeya, sunu masiku. Mbuli mbo Nda mwaambila, kuboola kunselelo, Nda sola kubala cintu cimwi eco cinga Nda yeeya kuti ciyo mugwasya.



Mwa bona musinsimi oyo. Wa kali muntu mulemu. Wa kazyalilwa bukanze bwa kuba musinsimi. Wa kajana kuti waka tolede lweendo luta luleme. Wa kali kuyeeme ku zilwanyo zya Uziya, mwaami. Wa kabona kuti tokonzyi kuyaamina ku zilwanyo zya ku nyama. Kula nyonyooka. Kuli lubide. Pele langa aatala a kubona Leza kakkede aatala aa cuuno Cakwe cabwaami. Amu lange aatala awo kuli Jesu. Wa kati, “Ndime mbobuca nguwenya, sunu, amuya myaaka.” Ko Mu lekela akubweze mujulu mu Muuya. Amulangilile a ku cibona na Tali mbobuca nguwenya.

<sup>197</sup> Cindi oyo Isaya muniini na kabona cilengaano ca Leza kaciseluka aali mbabo, mu tempele eelyo, wa kali libambilide ku lyaamba bulubizi bwakwe. Wa kali libambilide kulyaamba kuti taakwe cintu nca kacita ciluleme. Sena wa kaulukila ku cisi mpawo? Sena wa kacita zintu zyoonse ezyo zyaka luleme, mpawo? Zintu zyoonse ezyo nzyakali kukonzya. Kumalekelo, waka tondezya bulunguluzi bwakwe ku bulowa bwakwe.

<sup>198</sup> Ndi yeeya kuti oko inga kwaba kulimvwa kwa ndiswe toonse. Mbangaye balimvwa kuti inga wayanda kwaamba, kumvwa Leza kaamba, kuti inga wayanda. . . Yebo inga waamba kuli Leza, “Mpaawa Mpendi. Ko ndituma”? Amu tambike maanza aanu.

“Mpaawa Mpendi. A ndipe bumboni kuli simukupa. A ndipe bumboni ku—ku muntu uuli oonse oyo ngwe Ndi konzya. Kucita cintu cimwi, andi cite cintu cimwi. Mwami, Ta ndilombi kuba mukambausi. Ta ndilombi kuba *eci*. Pele, Mwami, ikuti na Ndili mulimi, kondi bamba kuba mulimi oyo uukonzya kupa bumboni ku mulimi simukobo ma. A ndibe mulimi oyo, cindi Nda sambala maila aangu, Inga ndapa bumboni kuli sikweenzya muncini wa maila. A ndibe mulimi. Ikuti na Ndili—ikuti na Ndili mwanakazi, a ndipe bumboni ku muntu wazyu bukwalibili bwa kubbadelwa. A ndipe bumboni kuli simukupa, mulombe uusambala mitende. A ndicite cintu cimwi, Mwami. A ndiinke ku masena aengelede a kujana luzyalo ku mucizi wangu kuno, uukkede muni, oyo mubi a ulubide. A ndipe bulunguluzi bujisi bubotu. A ndi vumbye busyu bwangu a mababa aangu aa bubombe. A ndivumbe matende aangu mbubonya. A ndibe wabulemu mu Buusyu Bwako. Pele ko ndituma a mababa aambi obile, Mwami, cakufwambaana, ku muntu umwi. Mpaawa Mpendi. Ko ndituma. Ko ndituma.”

<sup>199</sup> Mu kupa bulemu, toonse a twiimikile mpawo a kulibamba mulimo wakasalazigwa kuli Leza.

I Singuzuzyonse uli waano. Sena mula syoma eco? [Mbunga yaamba, “Iiyi.”—Mul.] Tuli mu Buusyu Bwakwe bwa Buleza. Muta lubi eci eno. Busyu Bwakwe nko buli eno mbuli mbo bwakabede. Mu kasimpe, kuzwa ciindi ni Nda imvwi awa, Nda bona zilengaano zyone na zyoanwe zyacitika kale. Mbo

mbubo. Mbo mbubo. Cali aatala lya bantu bobile na botatwe abo bazulilwa kuno ku mbungano. Tii ndaamba cintu cili coonse. Pele Uli aano mbubonya buyo. Ncibotu.

Lino, nco tu yanda kucita, umwi aumwi mu nzila yako iini, atu lisalazye kuli Leza.

Twabona citondezyo calikubonya ca kuboola  
Kwakwe kulelekedwe,  
Bona, alimwi amubone matu a mukuyu eno  
atalika kusiya;  
I Makani mabotu aa Bwami ainka ku masi  
oonse;  
Elyo tuli mumsi; mamanino inga aboneka.

Mbo mbubo. Sa eco cili luleme? [Mbunga yaamba, "Ameni."—Mul.]

Mpawo cakukkomanana kulaale tuyo  
aambilizya Mulumbe wa kulibonya Kwakwe  
kulelekedwe,  
Inoino Ula boola mu bulemu, ku zoambila  
boonse;  
Mpawo amusinsimuke, nywebo no basalali  
ba Mwami? Nkaambonzi kufukula kakuli  
mamanino ali mukuswena?  
Atu libambile ku kwiitwa oko kwa mamanino.  
Ameni.

Masi ali mukumwaika, Israyeli ili  
mukusinsimuka.

Ngu cisi eno.

I zitondezyo ezyo basinsimi nzo bakaamba  
kuyooba;  
I mazuba aa Bamasi amana, buusu bupati  
bulaafwi kucitika.

Mwacibona ka ciboola kubusena kuya kulaale; kutali buyo masi, pele mabungano.

Amubweede, O nomu mwaikide, kuya mwanu.  
I Buzuba bwa Lununuko bwa swena,  
Myoyo ya bantu iili mukuwizuka nkambo ka  
buyoofu;  
Amuzuzigwe a Muuya Wakwe, malampi aanu  
apukutwe akubambwa kuba kabotu,  
Amu lungumane, Lununuko lwanu lwaswena.  
Basinsimi babeji bali mukweena, Bwini bwa  
Leza bali mukubukaka,  
Kuti Jesu i Kristo ngu Leza wesu.

Nywebo mulizi nkobali.

Pele tuyo enda awo baapostolo mpo bakalyata.

Nkambo Buzuba bwa Lununuko bwa swena,  
 Myoyo ya bantu ili mukukakilwa nkambo ka  
 buyoofu;  
 Amuzuzigwe a Muuya, malampi aanu  
 apukutwe akubambwa kuba kabotu,  
 Amu lungumane, Lununuko lwanu lwaswena.

<sup>200</sup> Amupukute obo busi bwa kabungwe. Amupukute eelyo itwe  
 lya zintu zya nyika. I Bulowa bwa Jesu Kristo bula kkwanya  
 maningi ku musalazya. Amu lungumane. Amu lekele mimuni  
 yanu kiimweka. Amu bweze mababa ayo a kuulukila ku muntu  
 umwi ndyoonya buyo.

Atu tambike maanza eesu a kwaamba, “Leza, mpaawa  
 Mpendi. Ko ndituma.”

<sup>201</sup> Taata Wakujulu, kulisalazya tobeni kuli Nduwe, sunu  
 masiku, Mwami, a mbungano eyi, kumane Mulumbe oyu,  
 uusinizizye, mukali, “Mpaawa Mpendi, Mwami. Ko ndituma.”

Njeeyi mbungano yangu, Mwami. Akube kuti bavumbye  
 busyu bwabo a lulemeko. Akube kuti bavumbe matende aabo  
 mu bubombe. Akube kuti babe a cambia ca kuuluka a Mulumbe,  
 cakufwambana, ku muntu umwi uumbi. Ko cipa, Mwami. Akube  
 kuti bape bumboni mu bubotu, babe bwa munyo wa nyika, a  
 Mufutuli wawo muli nguwo.

Mwami Leza, eci nciuzuzyo cesu. Eci ncipo cesu. Oku nkupa  
 kulumba kwesu. Eci ncecico nco twakali kusukamina, Mwami.  
 Ko tutuma, sunu masiku, ku muntu umwi oyo uusweekede.  
 Akube kuti tuba njizye mu mbungano juunza ku busena bumwi.  
 Akube kuti tuba yiisye nzila ya Mwami. Akube kuti bafutulwe,  
 Mwami, nkambo cainda kale ciindi kwiinda mbo tuyeeya. Ko  
 cipa, Mwami.

<sup>202</sup> Akube kuti tu pandulule eci mu myoyo yesu, mbuli mbo  
 tu caamba, Mwami. Ko bweza ikkala lya Mulilo, lya Muuya  
 Uusalala, kuzwa ku cipaililo ca Kalivari. Koguma umwi aumwi  
 moyo a milomo, sunu masiku, Mwami, kuti tu taambi bubeji, kuti  
 twaamba Bwini.

Kotu tola, sunu masiku, Mwami, obo mbo tubede buyo.  
 Swebo toonse tatuli bakambausi. Swebo toonse tatuli basinsimi.  
 Swebo toonse tatuli baambauli a myaambo. Swebo toonse  
 tatuli basimilimo ba maleele. Pele swebo toonse tuli jisi cintu  
 cimwi cakucita. Ko tutondezya awo mpo cibede, Mwami; kupa  
 bumboni, kwiimba, na kukomba. “Alimwi mbuli cinkwa aatala  
 lya maanzi, ciyo joka buzuba bumwi bwa bulemu.” Ko cipa,  
 Mwami. Nceeco we. Ko tutuma kuli basimukobo ma, kuli koonse  
 nko tukonzya, kuli bamaalumi ma, a ku baambila Kuboola kwa  
 Mwami. Ko cipa, Taata.

<sup>203</sup> Ko tuleleka eno. Akube kuti tube a kupumuna kubotu mu  
 mibili yesu sunu masiku. Akube kuti tubuke a kuboola ku  
 mbungano kuseeni. Alimwi akube kuti Yebo ukaambe canguzu

loko—loko juunza, cakuti Uyo cita nzila zyoonse zyaku zwidilila, cakuti muntu oonse uyo ziba nzila ya kunjila muli Eci. Tu yiisye, Mwami. Tuli mukulindila. Tu yiisye kuseeni nzila ya kusika ku ciimo eci cizwide oko nko tukonzya kuba balombe a basimbi iba Leza. Twa lindila kuli Nduwe, Mwami, a kkala lya Mulilo kali bambidwe kuti libikkwe ku milomo yesu. Tuli mukulindila, Taata, mu Zina lya Jesu.

<sup>204</sup> Lino a mitwe yesu kiikoteme, Njo lomba mweembeli kuboola kumbele a ku mwaisya kuswaangana.

Leza amu longezye. Ndilangila kuyo mubona kuseeni, eno. Leza abe a ndinywe, kuponya baciswa boonse a bapengede aakati kesu. Kubamba umwi aumwi wanu . . .

Nda limvwa kuzulwa a Muuya ndyoonya eno. Nda mvwa Muuya Uusalala. Nda mvwa Buusyu Bwakwe. Ndi lizi Uli waano. Ndili masimpe kuteeti Uli waano. Nda Mu bona. Ndi lizi Uli waano. Nda Mu bona keenda, oyo Musumpululu wa Mulilo mupati, bulemu, mu kuyubunuka kwa Bulengwe Bwakwe, Buleza bwa Buusyu Bwakwe, Bulengwe bupati buleta bulemu.

Leza, kolengelela aatala aali eci. Kutabi umwi wabo uusweeka, Nda lomba. Bulemu kuli Leza!



*I KOONGELEZYA KWA UMWI* TNG62-1013  
(The Influence Of Another)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa imu Mujibelo mangolezya, Kavumbikaniini 13, 1962, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2017 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)